

**Л**а есте вѣдуще, вѣзлюбленіи, яко в сїй день есть предпразнство Рождества и проч. См. выше, стлб. 322\*).

168. г. **В' ТОЙ ЖЕ ДЕНЬ**, слово отъ Лимониса о подвизѣ.

**П**овѣда намъ пакы мнихъ Афанасій, яко приде ми нѣкогда мысль, глаголющи, яко будеть что подвижоющимся з'дѣ и проч. См. выше, стлб. 321.

169. а. || МѢСЯЦА СЕП'ТЕМВРІА ВЪ 8 ДЕНЬ Рождество пресвятага Владычица нашея Богородица и приснодѣвы Mariя. Благослови отче!

**С**ъздавиши съдѣтелеви Богу нашему человѣкы, и дѣлы благыми того единого да творити намъ волю. И се увидѣвъ діавольъ, прежде прельсти пръвоздан'аго человѣка преступити заповѣди Божія. И прел'щенъ бысть своею женою Ев'вою; посемъ покори и прочая человѣкы оставити Бога и поклонятися бездушнымъ идоломъ. Помянувъ же Богъ свое създаніе, и поминова его; и дасть законъ написанъ Моисѣевъ. Но ни закону успѣвъ что, въсхотѣ послати Сына своего въспріати человѣчъ образъ, да избавить человѣкы отъ руки диявола. Сего ради усмотрі родитися хотящую, якоже родить плотю Сына своего, в'дастъ пречистую Богородицю отъ праведною родителю родитися, отъ Акима и Анны, имаже обѣща Богъ молящемася дати плодъ чреву: и тѣмъ нынѣ нарицается Рождество Богородица, еже празднуемъ, благодаряще Христа Бога нашего.

**В' ТОЙ ЖЕ ДЕНЬ**, слово о Муринѣ древосѣчъ.

**Б**ѣ нѣкогда в' Кипрѣстѣй странѣ бездожіе много; и моли Бога страны тоя о семъ епископъ, и бысть гласть с небесе, глаголя ему: иди по утреніи

ко онѣмъ вратомъ града, и егоже аще узриши в'ходяща пер'віе, того удер'жи, да помолит'ся: и придетъ вы дождь. Створи же 169. б. епископъ тако: изиде со клиросомъ своимъ и сѣде у вратъ града. И се в'ходяше единъ старецъ, нося бремя на проданіе дровъ. Вѣста епископъ и удержа его; и аbie сложи старецъ с раму си бремя дровъ; и поклонясь ему епископъ, помолися ему, глаголя: авва! Господа ради помолися, да послѣтъ намъ Господъ милость и будеть нынѣ на землю дождь. Старецъ же недостойна себе глаголаше. И яко прилежаше ему епископъ, да ся помолить; и яко преклонивъ колѣни помолися, и снide дождь. Моли же старца клиросомъ, глаголя: сотвори любовь, отче, пол'зы ради р'ци намъ житіе свое, да и мы поревнемъ. И рече старецъ: прости мя, господи, азъ убо грѣшникъ есмъ, на злая дни рождъся и ничто же имай покойна, имже моя бы утѣшилася душа. Но се, яко видиши мя, исхожю изъ града, и собравъ бремя дровъ, и продамъ то, куплю хлѣбъ, та же ємъ; иного же не имамъ ничто же, и сплю въ церкви; и паки исходя тоже творю. Аще ли зимно будеть или слота день или два, и пребываю алченъ, хвалия Бога, дон'дже паки ведро будетъ, да възмогу изыти и сѣчи дрова. И пол'зу пріимъ епископъ с клиросомъ его, и вси прославиша Бога о трудѣ старчи; и рекоша ему: истинною ты еси свер'шиль Писаніе: пришлецъ есмъ азъ на земли. И поемъ его епископъ, || препита и покой, дон'дже преставися къ 169 в. Господу.

**В' ТОЙ ЖЕ ДЕНЬ**, поученіе на Рождество пресвятага Богородица.

**П**риспѣ в'ремя, братіе, спасенію нашему: се бо въсія намъ, въ т'мъ грѣховнѣй сѣдящимъ, селение мысленаго солнца Христа. Днесъ, братіе, всему миру радость въсія. Днесъ Адаму прадѣду внука и госпожа родившия, узы адovy ослабляетъ. Днесъ клятвѣ Ев'жинѣ потре-

\*) Отличія этого поученія отъ напечатанного выше — слѣдующія: вм. «правед'никома Іакиму і Аннѣ» здѣсь только «правед'никома», и на концѣ нѣть славословія: «яко тому слава» и проч.

бленіе родися и миру всему обновленіе. Днесъ ветхая лесть разорися, и новымъ людемъ новое вѣсіа благовѣщеніе. Женъскимъ преступленіемъ испали бѣхомъ ис породы: и паки женъскимъ рождествомъ вѣзв' ращаемся в рай. Евва бо змѣю совѣтъ пріала бѣ: а си змѣева убийцю породи Христа, иже не тер'я зресть наась безстудными дѣлы врагу порабощаися; но преклонъ небеса тако щедръ, и снide на взисканіе наше, благоволеніемъ Родителя и осѣненіемъ Пресвятаго Духа, таоже Лука Евангелистъ послушест'вуетъ. И тако вселися Богъ Вышняго упостаснаго Премудрости, Сынъ Божій, иже съ Отцемъ единосущенъ есть и со Пресвятымъ Духомъ равнославимъ; и бысть в'купѣ Богъ и человѣкъ, да человѣки спасеть; не бѣ бо како человѣку спастися, аще не бы отъ самого Творца обновленіе пріяль:

169. г. той бо немоющи наша на ся в'зять || и болѣзни понесе, и нищъ быти наась ради изволи, странень же и поруганъ, да ны нищетою своею обогатить. Да егда, братіе, видимъ нища, или нага, или стран'на, или алч'на, ти отидемъ не сотвор'ши симъ никоего же добра: да вѣсте, тао самаго Христа презряще минухомъ и себе лишихомъ вѣчныхъ благъ. Не свое бо кто имать или даетъ, но Божіе. Да поне отъ своего ему дадимъ довол'ное: не просить бо отъ наась имѣніа, ні иного тяж'ка, но пища и одежи просты, и маломъ избыт'комъ приобрѣсти отъ самого Господа милость: помилуй бо, рече, да помилованъ будешি. И паки: нѣсть милости не сотвор'шему милости. Не м'щайте же себе, възлюбленіи; глаголеть бо Пророкъ, отъ лица Божія глаголема есть мъзда: да азъ въздамъ, глаголеть Господь. И Апостоль Павель убужая ны, глаголеть: не упивайтесь виномъ, в нем' же нѣсть спасеніа, но паче исполнитеся Духомъ Святымъ, поюще во псал'мѣхъ и пѣснехъ духовныхъ. И паки, въстязая ны отъ гнѣва, глаголеть: гнѣвайтесь, и не съгрѣшайте; да не заходить солнце въ гнѣве вашемъ; не дадите мѣста гнѣву. Тѣм' же вся покаряюще подъ нозѣ, добротою препоашитеся, любовию, кротостю, чистотою, трезвѣніемъ, милостынею: та бо покрываетъ множество

грѣховъ нашихъ о Христѣ Іисусѣ Господѣ нашемъ, ему же слава, нынѣ и присно и вѣки вѣкомъ.

**|| В' ТОЙ ЖЕ ДЕНЬ, слово на Рождество пресвятаго слав'наго Владычици нашей Богородицы и приснодѣвы Маріи.** Благослови отче!

**В** лѣто написанія обоюнадесяте колѣну Израилеву, бѣ Іоакимъ богатъ зѣло, и принося дары своя Богови сугубы, глаголя в себѣ: да будетъ еже о имѣніи моемъ всѣмъ людемъ, иже да отпущеніе мое Господу Богу моему, во очищениe мнѣ. Приближи же ся день Господень великий, и принесоша сынове Израилевы дары своя; принесе же Іоакимъ дары своя и сугубо. И ста пред' нимъ Рувимъ, глаголя: не достоить тебѣ первіе принести даровъ твоихъ, зане сѣмене нѣси сотвориль въ Израили. И оскорбися Іоакимъ зило, и иде въ обѣнадесяте колѣнѣ Израилевѣ, глаголя в' себѣ: да вижю, аще азъ единъ не сотворихъ сѣмене въ Израили. Изыска же и обрѣте вся праведники, тао сѣмя въ Израили съвоскресиша. И помяну патриарха Авраама, тао в' послѣдняя дни его дастъ ему Господь Богъ сына Исаака. И печалень бысть Іоакимъ зѣло, и не гавися женѣ своей Аннѣ; но вдастъся в' пустыню и вът'че колимогъ свой ту. И постися 40 дній и 40 ношій, глаголя в себѣ: не сниду на брашно, ни на пиво, дон'дже посѣтить мене Господь Богъ; и будетъ ми молитва брашно и пиво. Жена же его Анна двою сѣтованію сѣтоваша и двою плаканію плакашеся: сѣтую, || рече, вдовьства моего и плачуя без'чадіа 170. 6 моего. Приближи же ся день Господень великий, и рече ей Иудифъ, отроковица ея: до-кѣ оскорблjeni душою свою? се приближися день Господень великий, и не подобаетъ ти сѣтовать. Но вѣз'ми глаголоватя сый, иже дастъ ми господни дѣлу; тао не подобаетъ ми увязатися имъ, зане раба есь твоя, а твой образъ имать царьский. И рече ей Анна: отступи отъ мене; того бо не сотворю азъ, тао Господь Богъ смири мя зѣло. Егда како лест'никъ вдастъ ті и, и приде причастить мене грѣхъ твоемъ. И рече

Иудифь, раба ея: доколѣ смиряеши душю свою? почто не послуша гласа моего? что убо болѣ проклену тя: зане затвори Господь Богъ ложесна твоа, не дати тебѣ плода въ Израилѣ. И печал' на бысть Анна зѣло, и совлече ризы своя сѣтован'ныя, и облечеся в ризы своя брачныя, и к' годинѣ девятой снide в' садъ свой поглумит'ся; и видѣ дафнъ, и сѣде подъ нею, и помолися Богу, глаголющи: Боже отець нашихъ! благослови мя и услыши моление мое, такоже благослови ложесна Сар'рина и дашь ей сына Исаака. И възрѣши Анна на небо, видѣ гнѣздо п'тиче на дафни, и сотвори риданіе, в' себѣ глаголющи: увы и мнѣ! кому уподобих'ся, ли кто мя роди, или коя мя ло-  
170 в. жесна изнесоша? || тако клята родих'ся предъ сынъми Израилевыми, и поносиша ми, и подражаша мя, и изг'ната мя и изъ церкви Господа Бога моего. Увы мнѣ! кому уподобих'ся азъ? не уподобих'ся азъ птицамъ небеснымъ, тако и птица небесныя плодовиты суть предъ тобою, Господи. О горе мнѣ! кому уподобих'ся азъ? ни звѣремъ же земнымъ, тако и звѣrie земніи плодовиты суть предъ тобою, Господи. Не уподобихся азъ водамъ симъ, тако и воды сія плодовиты суть предъ тобою, Господи: ибо волны утѣшающа и глумяща, и рыбы ихъ тя благословест'вять, Господи. Увы мнѣ! кому уподобих'ся азъ? не уподобих'ся азъ земли сей, тако и земля си приносить плоды своя на в'сѧко время и тебе благословять, Господи. И се Ангель Господень ста предъ нею, глаголя: Ан'на, Ан'на! услыша Богъ моленіе твое, зачати имаши и родити; и возъгласится съмѧ твое по всей вселен'нїй. Рече Анна: живъ Господь Богъ! яко аще приживу мужескъ полъ или женескъ полъ, то принесу е въ даръ Господеви Богу, и будетъ служа вся дни живота своего. И се пріодоста два вѣстника, глаголюще ей: се Иоакимъ, твой мужъ, грядеть съ стады своими. Ангель бо Господень снide к нему, глаголя: Иоакиме, Иоакиме! услыша Господь Богъ моленіе твое, снidi отсюду: се бо жена твоя Анна въ чревѣ пріиметъ. И снide 170. г. Иоакимъ и приз'ва пастухъ || своихъ, глаголя: приведете ми съмѹ 10 агнечъ неклонсненъ, непороченъ; и будетъ 10 агнечъ Го-

сподеви Богу моему. И приведете ми съмѹ 12 тел'ца неклонсна, и будете обанадесяте тел'ца іербомъ и стар'цемъ; и 100 козель, и будеть 100 козель всѣмъ людемъ. И се Иоакимъ идяше со стады своими; и ста Анна при вратѣхъ, и видѣ Иоакима грядуща, и тече Анна, и охапися о выи его, глаголющи: нынѣ вѣмъ, яко Господь Богъ мой благослови мя зило; се бо сущия вдовица ктому не в'довица, и бесчадна во чревѣ пріиму. И почи Иоакимъ первый день в дому своемъ, и разумѣ Анну жену свою, яко пріаво чревѣ, и въ утрій день принесе дары своя Иоакимъ, глаголя в себѣ: аще Господь Богъ мой оцистил' мя есть, петаль іереовъ гнѣвить мнѣ. И принесе дары своя, и зряше къ петалю іереову, дон'дже вниде во олтарь Господень, и не вѣди грѣха на себѣ. И рече Иоакимъ: нынѣ вѣмъ, яко Господь Богъ оцистил' мя есть, и оставилъ ми вся грѣхи моя. И изиде изъ церкви Господня, оправданъ бѣ в дому своемъ. Исполниша же ся Аннѣ дніе родити въ 9 мѣсяцъ, и роди Анна, и рече бабѣ: что родихъ? Она же рече: женескъ полъ. И рече Анна: възвеличиша душа моя весь день. И възлеже, исполнышемъ дніемъ, измыся Анна, и дашь сосѣдъ отроковицы, и нарече || имя ей Марія; и день 171. а. же паче отъ день крѣплящеся отроковица. Бывши же ей 6 мѣсяцъ, поставію мати еа на земли, искусити, аще стоять; и седьмъ стопъ похождыши, прииде на лоно еа; и въсхити ю мати еа, глаголющи: живъ Господь Богъ мой! не имаши ходити на земли сей, дон'дже тя веду въ церковь Господню. И сотвори Анна священіе на ложи своемъ, и ск'вернью и нечисту не дадяше ходити мимо ню. И призываще дщери евреускіи неск'вернены, и глумляху ю. Бысть же первое лѣто отроковицы, и сътвори пиръ велій Иоакимъ, и призыва іерея и книжники и старца и вся люди Израилевы. И приведе отроковицу Иоакимъ къ іереомъ; и благословиша ю, глаголюще: Боже отець нашихъ! благослови отроковицу сию, и даждь ей имя вѣчно, именито во вся роды земныя. И рѣша вси людие: да будетъ, аминь. И приведоша ю къ архиереомъ; благословиша ю, глаголюще: Боже высотъ! призри на отроковицу сию и

благослові ю послѣднимъ благословеніемъ, еже измѣненіа не имать. И въсхити ю мати ea во священіе ложю, и дасть с'сати отроковици. И сотвори Анна пѣснь Господеви Богу, глаголющи: воспою Господу Богу моему, тао посѣти мене и оттять отъ мене поношеніе врагъ моихъ, и дасть ми Господь Богъ плодъ правды твооеа. Кто възвѣстить сыновомъ Рувимовомъ, тао Анна доить от-  
171. 6. роковицю? И успі ю на ложи свяще[n]ія; изыде же и служаше имъ. Скончавши же ся вечеръ, сидоша веселящеся и прославиша Бога Ізраилева.

### О введеніи Богородицы въ Святая Святыхъ.

Отроковици же прилагахуся мѣсяци ей. Быть же двѣма лѣтома отроковица, и рече Иоакимъ Аннѣ: да ведѣве отроковицу въ церковь Господню, да давѣ обѣтованіе, еже обѣщаховѣ; егда како послеть гнѣвъ на ны Господь, и непріатень будеть даръ Богови наю. Рече же Анна: пождивѣ еще третьяго лѣта, дабы не искала отца ни матери; и тогда доведевѣ ю въ церковь Господа Бога. Бывшіи же ей тремъ лѣтомъ, рече Иоакимъ: призовите д'щери еврейскы неск'вернены, і да възмутъ рясны свѣща, и да будутъ свѣща горяща, да не възв'ратитса отроковица въспять, и пленять сердце ея отъ церкве Господа Бога. И сотвориша тако, дон'деже в'здиша въ церковь Господню; и пріять ю іерей, и лобзavъ благословестві ю, и рече: да възвеличитъ Господъ Богъ имя твое въ вся роды; въ послѣдняя дни, да гавитъ Господъ Богъ избавленіе свое на тебѣ сыномъ Ізраилевымъ. И посадію на третъемъ степени олтарев'чъмъ; и възложи Господъ Богъ благодать на ню, и потрепета ногама своима; и възлюбі ю весь домъ Ізраилевъ. Сидоста родителя ea, поюща и благословест'вяща Бога, тао не возв'ратися къ нима  
171. 8. отроковица. Бѣ же Maria въ церкви || Господни тао голубъ питаема, и пріимаше пищу изъ руки Ангеломъ. Бывшіи же ей двѣманадесять лѣтома, съвѣтъ бысть іереомъ, глаголющимъ: се Maria бысть двѣманадесять лѣтома въ церкви Господни; что убо сотворимъ ей, да не осквернитъ святилища Господа Бога нашего? И рѣша іерей къ За-

харі: ты стоишь при олтари Господни; вниди убо въ святилище и помолися о ней; и еже ти аще гавитъ Господъ Богъ, сотвори. И вниде іерей обол'къся въ ризу въ двонадесятъ звонну въ святаа святыхъ, и помолися о ней. И се Ангель Господень ста, глаголя ему: Захаріе! изиди, собери сущая вдовца въ людехъ, и да принесуть расны жезлы; і ему же аще покажеть Господъ знаменіе, сemu будетъ жена. Изидоша же проповѣдници по всей странѣ Юдейстей, и въструби труба Господня, и се абіе притекоша вси вдов'ди. Іосифъ же повергъ теслу свою, изиде въ срѣтеніе имъ. И собравшеся, пріодоша къ ерѣви, имуща жезлы. Взем' же іерей жезлы отъ когождо ихъ, и вниде во святилище, и помолися. Скон'чав' же молитву, пріатъ жезлы, и ишедъ дасть имъ, и знаменіе не гавися въ нихъ; и послѣдній жезль пріатъ Іосифъ, и се голубъ изыде отъ жезла, и полетѣ на главу Іосифову. И глагола іерей: Іосифе! тебѣ жребій паде дѣву Господню пояти въ соблюденіе себѣ. И противурече || Іосифъ, глаголя: сыны имамъ и 171 старъ есмъ, оно же есть дѣвица; егда како смѣхъ буду сыномъ Ізраилевомъ? И рече іерей: убояся Бога своего и помяни, елико сътвори Дафану и Авирону, како просьдеся земля и пожреть а за прекословыствіе ею. И нынѣ убояся, Іосифе, егда такожде будеть въ дому твоемъ. Убоявъ же ся Іосифъ, поять ю въ соблюденіе себѣ. И рече ей: Marie! се пріахъ тя отъ церкве Господа Бога; нынѣ оставляю тя въ дому моемъ, и иду здать зданіа, и пакы пріоду къ тебѣ. Господь да съхранить тя! Бысть же совѣтъ отъ іерей, глаголющъ: да сотворимъ катапез'ма церкви Господни. И рече іерей слугамъ: призовите 8 дѣвъ неск'вернены отъ колѣна Давыдова. И идоша слугы, и изискаша, и обрѣтоша 7 дѣвъ. И помяну іерей отроковицу Марию, тао бѣ отъ колѣна Давыдова и несквернена Богу. И идоша слугы, и приведоша ю въ церковь Господню. И рече іерей: известите ми ся зде, кто имать прясти злато несквернено, и ивису, и сурика, и оакинта, и кокинъ, и истин'ную прѣфиру. И паде Марию жребій, и истиннаа прѣфира и кокинъ. И в'зем'ши Maria, иде въ домъ свой. И во вре-

мя же оно Захарія умолча; и бысть Сумено́въ въ него мѣсто, дондеже проглагола Захарія. Марія же в'zemши кокинъ, сказаше; и вземши водоносъ, изыде покрыти воды; и се гласъ бысть, глаголя къ ней:

172. а. || О благовѣщѣніи Богородици.

Радуйся, възрадованная, Господь с тобою: благословена ты в'женахъ! Озрѣся одесную и ошуюю, откуду есть; и съ трепетомъ бывши, в'ниде в домъ свой; и поставльше водоносъ, и вземши перфиру, сѣде на престолѣ своемъ и сказаше. И се Ангель Господень ста предъ нею, глаголя: не бойся, Маріе! обрѣте бо благодать предъ Владыкою всѣхъ, зачнеши и родиши Сына его. Марія же слышавши, помышляше в себѣ, глаголющи: како будетъ се мнѣ, идже мужа не знаю? да аще убо азъ зачну отъ Бога жива, и рожду тако и всяка жена рождаеть? И аbie отвѣща Ангель Господень, глаголя к ней: не тако ти будетъ, Маріе; но сила Господня осѣнитъ тя; тѣмъ же и рождаемое свято наречетъ ся и Сынъ Вышняго, и наречени имѧ Ему Іисусъ: той бо спасеть люди своя отъ грѣхъ ихъ. И рече Марія: се раба Господня пред'нимъ; буди мнѣ по глаголу твоему! И сотвори прѣфири и кокинъ, и донесе іереовѣ, и благословію іерей, и рече: Маріамъ! возвеличилиъ есть Господь имѧ твое, и будеши благословена въ всѣхъ родѣхъ земныхъ и до вѣка. Радость же пріимиши Марія отъ Ангела, иде ко Елизавети, ужиници своей, и толкну во двери. И Елизаветѣ же слышавши, тече и отверзе ей; и благослови ю, и рече: откуду се ми, да прииде мати Господа моего ко мнѣ? сущее бо во мнѣ возыграша во чревѣ моемъ радошами, и благословести тя. Марія же забы тайну,

172. б. юже глагола || к ней Гаврійль Архангель; и възрѣвши на небо, рече: Господи! кто есть азъ, яко вся жены земныя блажатъ мя? И сотвори З мѣсяца у Елизавети, день же отъ дне чрево ей растяше; и убоявшися Марія, иде в'домъ свой, и сокрыйся отъ сыновъ Ізраилевъ. Бѣ же шестинадесять лѣтъ, егда быша тайна си. Бысть же ей шесть мѣсяцъ, и се прииде Йосифъ отъ зданий своихъ, и обрѣте Марію чревату сущю, и би ся по

лицу своему, и повер'жеся на земли на в'ретици, и плачая гор'ко, глаголя: къимъ лицемъ възрю ко Господу Богу моему? како же ся помолю о дѣвици сей? тако дѣвою потаихъ ю отъ церкве Господа Бога моего и не сохранихъ еа. К'то убо уловій мя? кто злое се сотвори в дому моемъ и оскверні ю? Егда како на мнѣ обновися сказаніе Адамово? яко же бо тѣй въ часть славословества своего бѣ, и обрѣте зміа Евгу едину, и прелости ю: тако и мнѣ приключися. И въста Йосиѳъ отъ вретица, и призыва Марію, и рече ей: наб'димая Богомъ! что се сотворила еси, и смирила еси душю мою? забы убо Господа Бога своего, и воспитанаа во Святаа святыхъ, пріимши пищу отъ руки Ангеловы, что се сотворила еси? Она же плакася гор'ко, глаголющи: яко чиста есмъ азъ и мужа не знаю. И рече Йосифъ: откуду се убо еже есть во чревѣ твоемъ? Она же рече: живъ Господь Богъ мой, || яко не вѣмъ, 172. в. откуду есть во мнѣ. И убогася Йосифъ зѣло и умол'ча к ней, помышля что сотворитъ ей. И рече въ себѣ: аще сокрью грѣхъ ея, то обрящюся сваря съ закономъ Господнимъ; и аще явлюся сыномъ Ізраилевомъ, боюся, егда како есть Ангелско сущее в ней, и обрящуся предая крови неповиннѹ на осужденіе смертно. И что убо сотворю ей? да отпущу ю тай отъ себе. И постиже и ношь; и се Ангель Господень явися ему въ снѣ, глаголя: не бойся отроковица сеа, сущее бо в ней отъ Духа есть Свята; родить же Сына, и наречени имѧ ему Іисусъ: той бо спасеть люди своя отъ грѣхъ ихъ. И воста Йосифъ отъ сна, и прослави Бога Ізраилева, давшаго ему благодать сюю сохранити отроковицу. Прииде же Ианнъ книжникъ и рече Йосифу: почто не явися сон'му нашему? И рече Йосифъ: яко труденъ бѣхъ отъ пути и почихъ в'пер'вый день. И обращъся Иоаннъ, видѣ Марію чревату, и иде съ т'щаніемъ къ іереови, рече ему: Йосифъ, ему же ты свѣдѣтельствуешь, безаконіе сотворилъ есть зѣло. И рече іерей: кий грѣхъ? Онъ же рече: дѣву, юже пріатъ отъ церкве Господня, оскверні ю, и украде бракъ ея, и не гави сыномъ Ізраилевомъ. И отвѣщавъ, рече ему іерей: Йосифъ ли се сотворилъ есть?

172. г. И рече Іанинъ: пошли слугы, и обрящеши дѣву чревату. И шедше слугы, обрѣтоша <sup>и</sup>коже рече имъ; и ведоша ю со Іосифомъ на судище. И рече къ Маріи іерей: забы ли Господа Бога своего, въспитаная во Святая святыхъ, и пріимши пицю отъ руки Ангеловы, и слышавши пѣснь ихъ? что се сотворила еси? Она же плакася гор'ко, глаголющи: живъ Господь Богъ мой, <sup>и</sup>како чиста есмь и мужа не знаю. И рече іерей Іосифъ: что се сотвориль еси? И рече Іосифъ: живъ Господь Богъ мой, <sup>и</sup>како чистъ есмь отъ нея. И рече іерей: не лжесвѣдѣтельствуй, глаголи истину; украль еси бракъ ея и не гави сыномъ Іизраилевомъ, и не поклонилъ еси главы своеа подъ крѣп'кою руку Господню, <sup>и</sup>како да благословено будеть съмѧ тво. И умолча Іосифъ. И рече іерей: возв'рати дѣву, юже погать отъ церкве Господня. И прослезися Іосиѣъ. И рече іерей: да напою вы воды обличеніа, и да гавить Господь грѣхъ ваю предъ очима нашима. И вземъ іерей, и напои Іосифа, и посла и в' горнью; и по 3-хъ днехъ прїиде цѣль. Напои же Марію, и посла ю в гор'нюю; и прїиде цѣла. И дивишася іерей и вси людіе, <sup>и</sup>како грѣхъ не гавися в нею. И рече іерей: аще Господь Богъ не гави грѣха ваю, ни азъ осуждаю ваю. И отпусті а; и поять Іосифъ Марію, и иде в домъ свой радуяся и славя Бога Іизраилева.

### О рожествѣ Христовѣ.

Поветѣніе же бысть отъ Августа Кесаря написатися, елико суть въ Вифлиемъ іюдѣйстѣмъ. И рече Іосифъ: се азъ написао сыны своя; сей же отроковици ч'то сотворю? како напишу ю жену себѣ? стыжду бо ся; но д'щерь ли? вѣдѣть бо сынове Іизраилевы, <sup>и</sup>како нѣсть ми д'щи. Се день Господень да сотворить, <sup>и</sup>како хощеть. И осѣдавъ осли, и всаді ю, и ведяше сынъ его, и Симионъ во слѣдъ идяше. И преидоша три поприща; и обращься Іосиѣъ, видѣ Марію дряхлу, и рече въ себѣ: егда како сущее в ней тружаетъ ю? И обратися Іосиѣъ, и видѣ ю смѣющуся, и рече ей: Маріе! что се есть, <sup>и</sup>како лице твое вижду овогда дряхло, овогда смѣющеся? И рече ему

Маріа: двоя люди вижду предо очима моими, едины плачующася, а другыя радующа ся и веселяща. И придоша въ среду путь; и рече Мария къ Іосифу: с'сади мя со ослити, <sup>и</sup>како сущее во мнѣ нудить мя изити. И ссади ю, и рече: гдѣ тя имамъ в'вести и покрыти тя? <sup>и</sup>како мѣсто се пусто есть. И обрѣть ту вертепъ, и веде ю тамо Іосиѣъ, и пристави ту сына своя; и изиде изыскать бабы евреянныни отъ Вифлиема. Азъ же Іосиѣъ хождахъ и не хождахъ; и възрѣхъ на небо, и видѣхъ кругъ небесный стоящъ; и възрѣхъ, и видѣхъ небо мутно и птица небесная мол'чаша. И възрѣхъ на землю, и видихъ окринъ стоящъ и дѣлателя възлежаша; и бѣша || руки ихъ во окринѣ, и жиу-<sup>173.</sup> ща не ж'ваху, и возимающе не приношаху къ устомъ своимъ, но всѣмъ бѣша лица горѣ зряща. И видѣхъ овца женомыи стоящца; и взять пастырь жезль свой ударитіа, и рука его ста горѣ. И призрѣхъ в' потокъ, и видѣхъ уста козлицъ прилежаша и не піоюща, и вся прикасаніи имъ течениемъ своимъ женияхуся. И видѣхъ жену сходящу отъ гор'ня; и рече ми: человѣче, камо идеш? И рѣхъ ей: бабы евреянныи ищю. Отвѣщавши, рече ми: отъ Іерусалима лі еси? И рѣхъ к ней: ей. И рече ми: кто есть раждающіа во верт'пѣ? И рѣхъ ей: обручена ми жена; и нѣсть ми жена, зане зачатіе имать отъ Духа Свята. И рече баба: аще се убо въ истину есть? И рече Іосиѣъ: гряди и виждь. И иде с нимъ баба: И се облакъ свѣтель ста предъ верт'помъ, и свѣтъ велий восіа во верт'пѣ, <sup>и</sup>како очима не тер'пѣти. И рече баба: возвеличиша душа моя днесъ, <sup>и</sup>како спасеніе всему миру родися. И аbie облакъ в'зывающеся отъ верт'па, и восіа свѣтъ велий; і гавися младенецъ, и пріять съсесь отъ матері своеа Маріа. И возопи баба, глаголющи: велись ми день днесъ, <sup>и</sup>како видѣхъ чудо се новое. И изиде изъ верт'па, славящи Бога. И срѣте ю Саломію, и рече ей: Саломіи, Саломіи! новое чудо ти имамъ исповѣдати: дѣва роди, егоже не в'мѣстить тѣло. И рече Саломіи: || живъ<sup>173.</sup> въ Господь Богъ мой! аще не разумью отъ самѣхъ вѣщай, не имамъ вѣры гати, <sup>и</sup>како дѣва роди. И вниде баба к' Маріи, глаго-

лющи: открыйся, немала бо туга належить мнѣ о тебе. И видѣ ю Саломі, и воскликну, глаголющи: о лютѣ безаконію моему и невѣрованію моему! яко искусихъ Бога жива; и се рука моя отпадаетъ отъ мене. И поклониши колѣни свои, помолися ко Господу, глаголющи: Боже отець нашихъ! помяни мя, яко сѣмѧ есмь Авраамле, і Исааково, Іаковле; не обличи мене предъ сынами Ізраилевыми, но вѣзв'рати мя къ нищимъ, также вѣси, Владыко, им'же именемъ твоимъ исцѣленія творяхъ, и мѣзу мою чаю пріати отъ тебе. И аbie приступи Ангель Господень, глаголя: Саломи, Саломи! услыша Господь моленіе твое; принеси руку твою къ отрочати, и исцѣлѣши, и будеть ти спасеніе. Радость же приим'ше Саломи, поклониши ему, глаголющи сице: ты царь родися Ізраилевъ; и понош'ши аbie исцѣли, и изиде изъ вер'тина оправ'дана. И се гласть глаголя ей: Саломи, Саломи! не вѣзв'ести, также видѣ славная днесъ, дон'дже вниде отрокъ въ Йерусалимъ. И се Йосифъ уготовися изити отъ Йудѣя; и пріодоша вольсви отъ востокъ, глаголющи: гдѣ есть рождѣся царь юдейскъ? видѣхомъ бо звѣзду его на вѣстоцѣ восіавши, и пріодохомъ поклонитися ему. И съшавъ Иродъ, смятеся;

173. г. послалъ слуги ко архієрѣмъ, и востеза я въ преторѣ, глаголя: что писано вами есть о Христѣ, гдѣ раждается? Они же рѣша: во Виєлиомѣ юдейстемъ, тако бо писано есть. И отпусті а. И призвавъ вол'хвы, и востяза я, глаголя: что вѣдѣсте знамение о рождьшемъся цари? И рѣша вол'сви: видѣхомъ звѣзду велику вѣсіавшу въ звѣздахъ и омрачающу я, яко не свѣтитися имъ; и мы разумѣхомъ, яко царь родися Ізраилевъ, и пріодохомъ поклонитися ему. И рече имъ Иродъ: идете и изищете; и аще изообращете, то повѣдайте ми, да и азъ шедъ поклонюся ему. И изиодаша вольсви; и се звѣзда, юже видѣша на вѣстоцѣ, вожаще я, дон'дже пріодоша въ вертепъ; и ста надъ главою отрочати. И видѣвъ ше вол'сви отроча съ Марию матерю его, изнесоша отъ скровищъ своихъ злато и ливанъ и змир'ну, и принесоша ему. И вѣсть пріимше отъ Ангела не въ нити въ Йодею, и инѣмъ путемъ

вѣзв'ратиша. Тогда увѣдѣвъ Иродъ, яко поруганъ бысть вѣхъми, разгнѣвався, и послалъ убийца, глаголя имъ: избейте младенца вся отъ двою лѣту и ниже. Слышишавши же Марія, яко младенци убиваеши бывають, убогавши, възять отроча и повить е, и скрые въ гаражѣ волуахъ. Елисавѣфъ же слышавши, яко Йоанна ищутъ, въз'ши Йоанна, бѣжа въ гор'ю, и глядаше гдѣ скрьті и; и не бѣ мѣста тайна. Тогда 174. а. вѣзв'дохнувъши Елисавѣфъ, глаголя: горо Господня! пріими матерь с чадомъ. Не можаше бо кому вѣзыти Елисавѣфъ; і аbie просѣдеся гора, и пріать а. И сияше има свѣтъ въ горѣ той; Ангель бо Господень бѣ с ними, храня а. Иродъ же искааше Йоанна, и послалъ слуги въ олтарь Господень къ Захаріи, глаголя: гдѣ скрылъ еси сынъ свой? Онь же отвѣща, глаголя: азъ слуга Божій есмь и присѣдя церкви Господни; како вѣмъ, гдѣ есть сынъ мой? И шедше слуги, вѣзв'стиша Иродови си. Посла же Иродъ третицю къ Захаріи, глаголя: гдѣ есть сынъ твой, рци; не вѣси ли, яко кровь твоя въ руку мою есть? Рече Захаріа: человѣкъ есмь Божій; пролейте мою кровь; духъ мой пріиметь Владыка: яко кровь неповин'ну проліеша при дверехъ церкви Господня. И противу свѣту убіенъ бысть Захаріа. И не вѣдяха сынове Ізраилеви, како убіенъ бысть; но въ каковъ часть лоб'занія пріодоша, и не срѣте ихъ по обычаю благословеніе Захарыно; и стала іерѣи, чающе цѣлованія его, въ молитву и прославити Вышняго. Мед'лящу же ему, убоиша вси. Дер'знувъ же единъ отъ нихъ, вънде во святилище, и видѣ при олтарѣ Господни кровь съѣд'шия, и гласть глаголющъ: Захаріа убіенъ бысть; и не потребится кровь его, дон'дже приидетъ мѣст'никъ. И съшавъ словеса си, убоялся и шедъ вѣзв'сти іерѣемъ, яже видѣ и слыша. || И дер'знуша 174. б. вси, и внидоша, и видѣша быв'ше на стеленѣ церков'нѣмъ, и вѣск'ликнуша, и растер'заша ризы своя отъ горы до низу, и телесе его не обрѣтоша; кровь же его обрѣтоша аки камыкъ посѣд'шия; и вѣзв'стиша всѣмъ, яко Захаріа убіенъ бысть. И слышаша въ ся колѣна Ізраилева, и плакаша

З дни и З вощи. По трех' же днѣхъ съвѣщаша іерѣи, кого поставить на мѣстѣ Захаринѣ; и взиде жребій на Симиона: сему бо бѣ възвѣщено Духомъ Святымъ не видѣти смерти, дондеже узрить Христа въ плоти. Аз' же Іаковъ написавъ сказаніе се. Мол'ви же быв'ши егда умреть Иродъ, скрываахуся на мѣстѣ пусты, дон'дже престанеть мол'ва въ Йерусалимѣ. Слава дав'шаго ми премудрость написати тайная си: яко тому подобаеть слава въ вѣки вѣкомъ.

**В' ТОЙ ЖЕ ДЕНЬ**, иже въ святыхъ отца нашего Епифаніа слово на Рожество Святаго Богородица, о житіи еа, о рождествѣ и о успеніи.

**И**звѣстный и истин'нѣй Богородици приснодѣвѣи Марія мнози бо провъзвѣстиша древніи учители; Пророки убо многими видѣніи, иже о ней и еже отъ нея неизречен'но рождающеся Христу истин'ному Богу нашему, провъзвѣстиша; святіи же Апостоли, иже отъ нея воплощ'-  
шагося Божіа Слова т'щаніе сотвориша, || и к симъ вел'ми повинув'шеся, о ней же малая нѣкая изрекоша, і аbie преидоша. Тако о Дусѣ пророчествовааша, и вси глаголють отъ дѣвица исходящаго; и похвалиша ю мнози отъ святыхъ отець. Но ні единъ же отъ нихъ о житіи еа и о лѣтехъ еа вписа, и о конci еа право и благопріатно прообразиша, и честь нѣкую изрекоша, не исправиша, но сами себѣ повин'ни бѣша: еже есть Іаковъ жидовинъ и Афродисъ пер'сянинъ; иніи нѣці ток'мо о разумѣ ея изрекоша, і аbie умол'чаша. О успеніи же ея Иванъ Селунський многорыданно слово изрекъ, и самъ себе ужаси; другій же Іоаннъ сотвори ся Богословецъ, лож'ну вину на ся приведе; Ап'дрѣй же и отъ Йерусалима епископъ критскій мало изрекъ, исправи, похвал'ный чинъ исповѣданіа устави. Мы же извѣст'нѣйше истин'нѣйшее и благодар'нѣе, еже отъ церковныхъ послѣдований і Евсѣвія, нарицаемаго Пам'fila, и отъ прочихъ писатель и учитель, простыми наказаніи желающе, іаже и спроста речемъ, како ему

есть имя, отъ него коеждо въспріахомъ начало, да увѣмы, да не въсходуть нѣці приложити насъ, яко свое что представити хотяща, или отыти; аще и отай что пріемлетъ, или отъ еретикъ, да никтоже насъ похулить, иже отъ еретикъ; свѣдѣтельст'ва бо || вѣрнѣйша есмы, яко же рече великий Ва-<sup>174.1</sup> силіе, но и чудный Кирилъ епископъ александровскій, се убо сице сотвориша: Авраамъ до Давыда въ родословіи, Иосифу обручнику въ сенепорочныя Богородица Марія, понеже отъ сестру ся бяжу родили Іосиө и Богородица, показавъ, яко соглашаетъ два Іевангелиста, Матеїй убо сходя, а Лука устремля на Нафана, ина сына Давыдова, еже есть слово сего указаніе тако: отъ колѣна Нафанова, сына Давыдова, родися Левгій; Левгій же роди Мелхія и Панфира; Мелхія же поять жену, и умре безчаденъ; Панфиръ роди Вар'пафира; Вар'пафиръ роди отца Богородица Іоакима; отъ колѣна сына Давыдова, отъ Соломона родися Мат'фанъ; сей роди Іакова, отца Іосиөва, і умреть. И поять жену его матерь Іаковлю Мелхія, братъ Парфировъ, и роди Ліа\*). Іаковъ убо отъ колѣна Соломона, Лія же отъ колѣна Нафанова. И поять жену его братъ его единоя матре; Іаковъ роди Иосифа; естест'вомъ убо есть сынъ Іакову, а по закону Ліи. И живяху въ Галелѣи. Погаста же два брата едину жену, понеже законъ веляше: аще кто умреть без'чаденъ, да пойметъ жену его братъ его, и въставитъ съмѧ брату своему. Іоаким' же і Лія отъ отца Панфира брата еста; Лія и Іаковъ отъ отца Мафана брата еста. Іоаким' же роди Марію Богородицу; и Лія роди Іосифа по закону; яко быти Іосиө и Богородици || братуча-<sup>175</sup> домъ. Іосиө бяше художествомъ древодѣль; имяше же отъ единога матере брата, именемъ Клеона. По матерѣ же Богородица бысть: Мафанъ іерѣй отъ Вифлиома имяше д'щери три: Марію, Софію, Анну. Марія же роди Соломбю бабу; Софія же роди матерь Іоанна Крестителя; Анна же пріатъ Іоакима, брата Іосифова. Иде Анна невѣстою въ Галелѣю въ градъ Назаретъ, и

\*.) Здѣсь и далѣе вм. «Ліа» и «Лія» должно быть «Іліа» Нл. См. Евс. Церк. ист. кн. I. гл. 7. изд. Роб. Стеф. 1544. л. 6 и 7.

пребыть Анна со Иоакимомъ лѣтъ 50, и чада не сотвориста. Бысть же има в'ходящима въ Іерусалимъ в'праздникъ обновлениѧ; молящуся Иоакиму во святыиши, бысть услышати гласъ, глаголющъ с небесе к' нему: яко будетъ ти дѣтищъ, и тѣмъ прославишися. Зачать же Анна жена его на старость свою, и роди дѣтищъ женьскій полъ, и нарече имя ей Марія, сестры своея ради. И радовашся с нею вси роди ея и друзья. Быв'шю же дѣтищю Маріи тріемъ лѣтомъ, възведоста и родителя ея въ Іерусалимъ и представиша ю предъ Господемъ с дары. И пріять іа и дары ея іерей Варахія, отець Захарінъ; и вси іерей бяху радующеся. И помолив'шеся и благословиша ихъ, Иоакима и Анну и дѣтищъ ихъ Марію; и снide в Назаретъ. И въ сед'мое лѣто возведоста и пакы въ Іерусалимъ, и вдаша ю в' дары Богови въ утвержденіе въ в'ся дни живота ея. И се сотвор'-

175. 6. ше, помалѣ преста<sup>175. 6.</sup> вися отець ея Іакимъ, яко же глаголють, лѣтъ сый 80. Марія же не отступаше отъ церкви день и нощь. Анна же оставльши Назаретъ, прииде въ Іерусалимъ, и жив'ши двѣ лѣтѣ, и умреть, быв'ши лѣтомъ ей 79. Марія же отвсюду осиротѣв'ши, пребываше не исходящи изъ дома Господня никаможе, аще и потреба иѣкайя бяше; ток'мо ко Елисавети исходжаще, близъ бо еа живяше. Изучи же ся живоцѣтъ грамотѣ, еще живу сущю отцю ея, и бяше хитра къ ученю и любезнива; и уже единѣствующи, трудящися и нудящися на божественное писаніе; дѣло же еа волна и ленъ и вила и виса. Удивлена быв'ши мудрости ея ради и разума паче всѣхъ сущихъ дѣвицъ въ родѣ томъ, яко же о ней глаголати праотцу Соломону, ибо Іаковъ истин'ну о ней глаголаше: жену мужествующу к'то обрящеть; прочая вся. Бяше же въ церкви Господни място отлучено близъ лѣвага страны олтаря, идеже бываху ток'мо дѣвица; другыя же дѣвица по-на западъ всѣхъ исходжааху въ свояси; Марія же ту пребываше стругущи жертвов'никъ, въ церкви служащи іереомъ. Обычай же бяше тако: чиста по всему, и малоглаголива, и скоропослушлива, и благоименита, недер'зновенна къ всякому

человѣку, несмѣш'лива, негнѣв'лива, || не- 175. 6. мятежна, благопріата, честна, и чиящи и покланяющися всякому человѣку, яко диви- тися всѣмъ разуму еа и глаголанію ея. Возрастомъ же бяше среднѣ; друзи же глаголютъ, яко среднѣруса, жел'ти власи, очима черными, благозрачна, черни брови, дол'зѣ руцѣ, круговатомъ лицемъ, дол'гоперьста, благодатю Божію исполнена и красоты, не- помыслена, непостыд'на, непремѣн'на, смиреніе непреложно имущи, тѣм'же и призеръ на ня Богъ, якоже и та рече, величающи Госпо- да; одежду же тем'нозрачну любящи и носящи, и свѣдѣтельствуетъ святый покровъ еа, увѣряющи іеря церкви Господня, и питаше- ся, въ церкви пребывающи в' молитвахъ и въ чтеніи, и въ бдѣніи и рукодѣланіи, и въ всякой добродѣтели и въ различіи дѣлъ. Сущи святѣй Маріи 12 лѣтъ, бысть же въ едину нощь, молящися ей, пред'верми жер'тов'ника полуночи свѣту восіати паче сіания солнеч-наго, и гласть отъ святыища пріиде к ней, глаголющи: родиши Сынъ мой. Она же умолча, никому же повѣдающи тайны, дон'-даже Христосъ възнесеся. Авій же роди Ие- да, егоже зваху Варахія; той же роди Андрея и Захарію іеря. И поять Захарія и Елисаветъ лелю Маріину, и живяху въ Вифлееме; роди же Іоанна Крестителя. || Андрѣй 175. 6. же, братъ Захарінъ, роди д'щерь, и имя ей Саломію; и поітъ ю Іосифъ древодѣль, сынъ Ліннъ, Іаковъ братучаду Маріину, и роди отъ нея седьмь дѣтищъ: Іакова, Симона, Іуда, Іосиа и Совіи, Мар'ву же и Марію. И умре Саломія, жена его; и пребыть Іо- сиөвъ въ дѣвъствѣ и цѣломудріи, лѣтъ убо бяше сы 70, именемъ худъ, званіемъ древо- дѣль нарочить, пребывая во градѣ Галеліи Назаретъстѣмъ. Марія же бѣ въ Іерусалимѣ во храме Господни; и быв'ши 14 лѣтъ, егда же и женьское и немощное естество гавленіе; мнящю же ю едину сущю отъ многихъ іерей, и еще убо не гавлена бяху та же о ней тайнест'ва; совѣтъ же сотвор'шо, стала на молитвѣ ея ради. Захарія же, отецъ Іоанна Крестителя, въспріять 12 жезла отъ іерей и отъ близжнихъ в'довецъ, и положи ихъ при олтары, глаголя сице: да покажеть Богъ, чіа есть дѣвица. Молящу же ся ему,

прорасте же зель древудъли Йосиа; и прочее судомъ Божіимъ поручиша ему дѣвицу Марию, тако не на бракъ, но въ сохраненіе и въ соблюденіе непорочнаго дѣвъства. Се гавъ отъ нихъ слово святыя дѣвица, бывшее ко Архангелу Гаврилу; рекшю бо тому къ ней по цѣлованіи, яко зачнеши сынь и наречеши имя ему Іисусъ, и дастъ ему Господь Богъ престолъ Давидовъ, отца твоего, и про-  
176. а. чее; отвѣща ему || дѣвица: како се мнѣ будеть, идѣже мужа не знаю. Ибо Йосифъ законно сопрягся браку поять бысть. Не тако убо, отвѣщавъ рече, отъ случившаго ми ся мужа и обрученое всезрачу; но виждь извѣсто, яко не на бракъ поять же-  
ну, но на сохраненіе и на соблюденіе, ре-  
ченное слово, еже всякоа истинны исполнъ: како се мнѣ будеть, идѣже мужа не знаю? еже есть: не в'дана мужю на брачное сово-  
купленіе, но на сохраненіе выну мя дѣвою чисто и непорочно, и та убо въ непамятную вину. Поемъ убо Йосифъ братучадо свое Марию отъ руки Господня, и свѣдѣтель-  
ствуется отъ всѣхъ іерей, и въведе ю въ домъ свой, и предастъ ей двѣ дщери свои умуд-  
рити и вразумити ихъ, яко сама хождаше въ дому Йосифовъ со всѣмъ целомудріемъ и чи-  
стотою. Сотвори у него шесть мѣсяцъ, по обычаю постыдящихся, при девятемъ часѣ дни молящихся ей днесъ, посланъ же бывъ Архан-  
гель Гавриль отъ Бога, исповѣдаа вся тайны, иже о единочадемъ Сынѣ Божіи, елико въ Евангелии исполнена суть; и никто же разумѣй бывшаго въ дому ея, ни възвѣсти кому, ни самому Йосиоу, дондеже видѣ вос-  
ходима на небеса Сына своего. Сего ради глаголетъ Евангелистъ Матоей: и не разумѣша той, дондеже роди Сынъ свой п'рве-  
176. б. нецъ, еже || есть, не разумѣша тайны Божіи въ ней, ни сокровенныя глубины о ней совер-  
шеныхъ вещей. Бяше же день недѣли пер'-  
выя, въ 25 Мар'та мѣсяца, первоелунный день, еже есть по лунному кругу, мѣсяцъ пер'вый Априль, се мѣсяцъ есть пер'-  
вый въ мѣсяцехъ, въ лѣто пер'вый день, въ он' же прогна т'му, и рече Богъ: да будеть свѣтъ; и бысть свѣтъ. Мѣсяцъ же шестый, отнелиже Йоаннъ Креститель зачатъ бысть, ибо сій мѣсяцъ обновленіе праздника и про-

славленіе ков'чега. Потомъ в'нде Захаріа во Святая святыхъ единъ по закону покади-  
ти, и тавися ему Архангель Гавріиль. От-  
толъ убо чутся мѣсяци по лунному кругу; послѣди убо разумѣша ин'дикта и мѣсяца отъ круга. Рече дѣвица свята Maria ко Архангелу: како мнѣ будеть, понеже мужа не знаю? якоже и прежде рѣхомъ. Есть бо нѣкій промыслъ, еже прѣходити на первѣй-  
шая сказанія. Еже сказается мужа не знаю, рекшъ не желаю, мужеска желаніа не стя-  
жахъ, ни вѣдя похотъніа плотъска и желаніа мужъска; не бѣ бо дѣвъство по воздер'жанію и по под'вигу, яко женъское украшеніе и целомудрію прилежаніе, но отъ естества изрядно есть, еже всѣмъ намъ, и странно человѣче-  
ское естество. И се есть речено отъ Пророка Езекіиля: будуть врата, еже на въстокъ, || за-  
176. в.  
творена, и никъ тоже имать пройти сквози ия, токмо Господь Богъ Ізраилевъ, той единъ внидеть и изыдетъ, и будуть затворена. И вси Пророци и Апостоли такожде свѣдѣтель-  
ствуютъ; но и отци наши свѣтил'ници, и учите-  
ліе собор'нья и апостольскія Церкви та-  
коже соглашаютъ. Тѣм' же и великій Дионисіе Аріева леда рече о Христе, яко паче человѣка и человѣческая содѣя, и послуше-  
ствуєть человѣча рожества сущее безъ болѣзни. Афанасій же александрийскій, Леонъ и именемъ римскій рекоша о ней, яко хотѣніа мужеска не позна. Но и всѣ святіи собори правовѣрныхъ такоже послушест'ву-  
ютъ. Но Іаковъ жидовинъ тогда бывъ, написа о ней глагола: да бы въ страны при-  
мененъ, иже предъ всѣми рождясь, и ося-  
занъ отъ бабы, обрѣтеся дѣвою, якоже и прежде рожества дѣвою. Рувим' же іерей такожде и той послушествуетъ, отъ бабы извѣщеніе приемъ; ини же нѣкое и о сей пре-  
славней всци слышавшіе, рекоша, яко из-  
рядно еже обрѣсти естество ини же паче устава естество бысть. Святаа же дѣвица, якоже прииде тавленіе Ангела, аbie иде во Вифлеомъ ко Елизавети. Жидовъство же придежить во Вифлеомъ; вышшее мѣсто есть въ Галеліи, еже есть Назаретъ. Сего ради глаголетъ Лука Евангелистъ: Maria || же течеть въ гор'ня со тщаниемъ въ домъ<sup>176.</sup>  
Захаріи, и целова Елизаветъ. Позна и

разумъ видѣніе Ангела и словеса его, яко мужескій полъ во чревѣ ея есть. Иако Захаріа по видѣніи Ангела умолчаша и ничто же глаголаше, зане не можаше; и та между собою тайну имуща и никому же не возвѣсти глаголанное ей. И по трехъ мѣсяцехъ синде святая Марія отъ Галилея въ домъ Іосифовъ, и бяше послушлива, и словомъ и обычаемъ и образы святыя. Лѣту же прешедшю, и чрево ея растяша. Іосифъ видѣвъ святую, егоже не вѣдѣ о ней таинства, въ трудахъ впаде, мысляще изгнанію изъ дома своего тай; Ангелъ же Божій възбрани ему<sup>177. а.</sup> также рече Евангелистъ Матфей. Въ времѧ бо оно приключися написанію быти отъ Кесаря Августа повелѣніемъ; и взыде Іосиѳъ отъ Галеліа во Іудею со всѣмъ домомъ своимъ написати по повелѣнію кесареву; сыны же своя преди посла и дщери; святую же Богородицу Марію самъ въспріимъ въ подътаремникъ свой, и идаше. Не дошедъ же Іерусалима село есть Вифлеомъское, иже бяше стяжаніе Саломіино, Богородицыны тет'ки; ту пребыла тоя нощи; и породи Еммануила святая Богородица, послуживши же ей о всемъ Саломіи, баба ей сущи въ Вифлеомъ, тет'ка сущи святой Богородици Маріи дѣвица отъ матер'иа рода, яко-

<sup>177. а.</sup> же и Елисавефи женѣ Захаріїнѣ. Бяше же място то, идѣже бяху пребыли, вертепъ и храмъ четверолѣпенъ. И видѣвша же Елисаветь наstantіе ихъ, пріиде и принесе имъ иже на потребу; і ини нѣці отъ ближнихъ услышавъ еже отъ пастыря глаголемаа, и ужасошася. Времени же немногу минувши, пріодоша отъ Персидъ волсви, отъ лѣтняго востока, отъ лѣвыя Іерусалима: тако бо прележать Персіяне і Иудеи. Звѣзда же не бяше яко и прочая звѣзды, но надъ землею по обычаяу, яко же не по обычаяу хождаше и по нѣкоему наstantію бываему, никогда же явльшеся, яко же рече великий Василіе і Иоаннъ Златаустъ, идѣже чисто и неизглаголанно бысть рожденіе Іисусово, не во вертепѣ бо ни нѣв'которой храминѣ, иже новое, но Іисусъ младъ дѣтища, яко же и той самъ свѣдѣтельствуетъ Матфей Евангелистъ, весма же егда по явленію бысть, Іосиѳъ же и всенепорочная дѣвица и отъ

неа рожьшагося безъ сѣмени, да не отъ родныхъ и странныхъ вольховъ Божій страхъ услышимъ, кто бысть и что ради и еже съхожденіе створи къ человѣкомъ, не токмо же со иною весь Іерусалимъ и ти властели вси жидовьстіи, и ту самъ Иродъ царствуй. Во осмый же день обрѣзаша дѣтища, и нарекоша имя ему Іисусъ, еже есть Спасъ; и возвратиша въ Назаретъ. И кончавши 177. б. 40 днемъ, и приведоша отрочищъ во Іерусалимъ и представиша Господеви съ дары, также и Симеонъ старецъ пріатъ на руку своею и благослови и. Тогда назнаменова бѣжати Іосифови въ Египетъ. Иродъ же поруганъ бысть отъ волхвовъ, пославъ изби вся младенца въ Вифлеомъ отъ двою лѣту и ниже, егоже испытавъ отъ волхвовъ. Абіе же весь домъ его Ирода его воспріять любезнѣ; жену же отъ неяже воспріять два сына, Александръ и Аристоулъ, погубитои два, съ нимъ же и другаго Антипатра, отъ инои жены бывша ему. И той же Иродъ въ богопосланій ему недугъ впадъ во згнитіи червемъ въ устехъ его и внутрь въ утробѣ его, и издыше, яко же свѣдѣтельствуетъ еже о немъ Іосифъ послѣдованіе. Служащю же Захаріи, и убиша и воини между церковю и олтаремъ. Есть же убіения его на двое вина: друзіи глаголуть, яко скрытъ бѣ отъ Ирода; иніи же ради святыхъ дѣвицы Богородица, идѣже не подобаше дѣвѣ въходить Захарія въведе я въ място, и осужденъ бысть на убіство отъ книжникъ, іавѣ тико законъ преступльша; понеже всѣмъ глаголаша яко о ней: дѣвица есть, и есть яко же прежде рожденія бысть. Елисаветь же отъ Вифлеома сущи, воспріимши Иоанна, иде въ пустыню, и съ хранися съ дѣтищемъ 177. в. 40 дней въ нѣкоемъ вертепѣ, и паки възыде едина; Иоаннъ же тамо въспітанъ бывъ, пребыть въ пустыни до явленія Іизраїлева. Іосиѳъ же шедъ во Египетъ, створи ту съ сыны и съ дщерими своими и съ Богородицею и со Христомъ 5 лѣтъ, и паки по откровенію възвратиша и пріиде въ Назаретъ Галелійскій, яко же свѣдѣтельствуетъ Евангелистъ. Погать дщерь его Марію жену себѣ, брата его Клеопа, изъ единого Іакова, иже по естеству отца Іосифова; и

родися отъ нея Симеонъ, епископъ бысть во Іерусалимъ, со Іаковомъ, братомъ Господнимъ, при Доментіанѣ цари, по многихъ же мукахъ послѣди распять бысть, велми старъ, сый 120 лѣтъ; тый есть Клеопа, иже Христа изъ мертвыхъ въскресша видѣ, трие сопутникомъ того Нафанаиломъ, при веси Ем'уасовѣ, такоже рече Лука див'ній. Іаковъ же сынъ Іосифовъ, такоже рѣща нѣці, погать жену, и поживе 2 лѣта съ нею; и умерши той, иноя не имѣ. Іуда, братъ его, роди два сына, Зокира, Іакова. Си по целованіи предстаста Доментіану царю, яко суще внуціи Давидови, такоже Владыцѣ нашему Христу срод'ника; и научиста царя, Христово царство нѣсть зем'ное, но небесное; и тою добродѣли ради и премудрости, оставился уже не 77. г. гонити христіанъ. Іаковъ же || і Іуда, брата Господня наречена, в' числѣ бѣста 12 Апостолу. Іосифъ же и Симеонъ погаста себѣ жены; Совій же бяше съ Маріею вся лѣта; Іосифъ же сиротою оста отъ матере; воспита его Марія, дщи Саломіина, сестра его суци. На праздникъ же Пас'хи исходжаху отъ Назарета въ Іерусалимъ; и яко 12 лѣтъ бывъ Іисусъ, и въщедшю ему во Іерусалимъ, познанъ бысть отъ многихъ, и удивленъ бысть разумъ его и премудрость, и многи въ Іерусалимъ книж'ники и фарисея, яко дивитися всѣмъ о отвѣтехъ его; бяше же красенъ лицемъ зѣло, яко же рече Пророкъ: красенъ добротою паче сынъ человѣческихъ; възрастомъ же бяше и высотою тѣла шестихъ стопъ свер'шень, русыми в'ласы не велми густы, паче доб'рѣ прекрасно, брови имуша чер'ни, невелми наклон'нѣ, очи же его русы и веселы, яко же образъ сказается праотца Давида; глаголють: чер'менъ добрѣ очима, ноздратъ, брадою русъ, дол'ги имѣя власы, николиже бо стрижениe не в'зыде, ни рука человѣча, токмо матер'e его въ младенъст'вѣ, мало наклонитъ выи его, и не велми рас'простер'ть имѣя возрастъ телесный, русъ, не велми округло лице, яко же и матер'e его, мало сходяще, елико гаслѣть ей что разумное, н'равомъ и красою, и по всему безг'нѣвенъ, и по малу того 178. а. матер'e пренаписа || слово и по малу того приоб'щающеся подобию; 30 лѣтъ бывъ, крес-

тися отъ Іоанна въ Іерданьстѣ рѣкѣ. Іоаннъ же бѣ в' пустыни той 30 лѣтъ; единого лѣта, начинаящуюся лѣту, еже есть отъ Сеп'ят'яря м'єсяца, бысть к' нему слово Господне крещенія ради; и прииде въ Іудею и въ Галелію, проповѣдая покааніе и оставленіе грѣховъ крещенія ради; и прииде въ Галелію проповѣдая царство небесное. И се убо и Духа Святаго видящe людіе, и житіе страшно и див'но, послѣдоваша ему мнози, и быша ему ученицы. Ан'дрѣй же Виф'сантъска града Галелійска, Іоаннъ же сынъ Зеведеовъ. Архиерей живоистії, слышав'ше о Іваннѣ і о ученицѣхъ его, ови глаголаху, яко Христосъ есть; друзіи глаголаху, Иліа есть; и сов'зысканію быв'шю междю ими о словесѣ семъ, и послаша къ Іоаннови, и вопросиша его. Он' же рече: нѣсмъ азъ Христосъ, но по мнѣ грядый средѣ стоять васъ. И по днехъ убо придоша людіе мнози и князи в' пустыню на Іерданъ къ нему, исповѣдающe грѣхы своя и крестящeся отъ него, оглашая въ Вифарѣстѣ веси, об онъ поль Іердана. Прииде Іисусъ и крестися отъ него въ осмый день; и изыде Іисусъ въ пустыню Іерданскую, и сотвори тамо 40 дній, искушаемъ отъ діавола; и паки възвратися ко Іоанну. || Якоже видѣ Іоаннъ Іисуса къ себѣ грядуща, и рече: се агнецъ Божій, в'земляй грѣхы всего мира; видѣ бо Духа Святаго во крещеніи его с'шед'шаго со небесе и пребывающа на немъ; и гласъ со небесе глаголя: се есть Сынъ мой възлюблен'ный о нем'же благоизволихъ, того послушайте. И слышаша людіе отъ Іоанна о немъ, и див'ляхуся. Наутріа же пакы видѣ Іоаннъ Іисуса грядуща, и глагола о немъ: се агнецъ Божій. И слышав'ша ученика Андрѣя і Іоаннъ, оставльша его, послѣдоваста Іисусу, и приидоста къ нему въ обителище, и пребыста ту день той. Обрѣть же Андрѣй пакы брата своего Симона, и приведе его къ Іисусу. Слышав' же Іисусъ, яко Іоаннъ преданъ бысть, наутріа изиде въ Галилею съ треми учениками; обрѣть Филиппа, и поять его і Іоанна и Нафанаила, и приведе въ Кана Галелію. Тамо бракъ бысть, и званъ бысть Іисусъ на бракъ со учениками своими; и не имущемъ

вина, сотвори воду в' вино; имя же жениху Симонъ, <sup>178. в.</sup> та<sup>ко</sup>же по днехъ послѣдова Христу; сей есть Симонъ Кананитъ, единъ отъ 12, еже рев'нитель. Оттуду прииде въ Виф-саидъскій градъ Галелю, и снide в' домъ Петровъ, и боляще теща его; Христосъ пришель, ищелъ ю, и възвратися въ Назаретъ. Іосифъ же, обручникъ и хранитель Богородицы, преставися, старъ сый, исполнъ

178. г. дней, <sup>178. г.</sup> та<sup>ко</sup>же рекоша, 110 лѣть || бысть. Сынове же его Іаковъ і Иуда послѣдоваста Христу, и хождаста по всѣхъ градохъ и странахъ, проповѣдающе царствіе, исцѣляюще всяку болѣзнь и всякъ недугъ. Теща же Петрова со дщерію своею, съ женою Петровою, послѣдоваста ему и бяху съ Богородицею. В' зем'ше же ся оттуду, идоша въ градъ в' Галелю, идѣже и езеро нарицаемо Гени-сарефъ, в' томъ бо многа древа насаждена, есть же паче вар'санъ и висонъ; ту же ся разжаетъ иже наричетъ гениса и фиали; тогоже ради еже есть, равна зем'ля всюду и красна, маслинамъ множествомъ и виномъ и рыбами многы, и кор'мить же рода всякого, и древень плодъ многъ приносимъ, красенъ бо есть и много-плоденъ; вина же и масла много имать по изобилію. Пришель же Іисусъ в' домъ Зеведеовъ съ матерію и со ученики своими, и пребысть ту у Зеведея. Имя же Заведей жену, именемъ Саломію, и два сына, Іакова, Іоанна, еже пріять и Іисусъ ученика; маги же єю слышавши ученіе Іисусово, мнѣши о земнѣмъ царствіи, и възвѣщасть, прося у него, да единъ одесную, а другій ошуюю сядета сына тоя въ царствіи его; се же сотворила есть, та<sup>ко</sup> любящи дѣти своя, купно же та<sup>ко</sup> сродници имущи Богородицю. И оттуду изшедъше, идоша в' Ка-

пер'на<sup>умъ</sup>, исцели раслабленного, и ины многы всюду исцеляеми бяху; еже словомъ оглашаеми, еже на потребу приношаху имъ; многы же оглашаху и крещаху ученицы его; Іисусъ же не крещаше, но ток'мо учаше и исцеляше болящаа. И умершю же Зеведею, и сынъ его приступль, глагола Іисусови: повели ми ити и погрести отца своего; Христосъ же убо не повелъ ему, послѣди же повелъ ити. Іаковъ же, Іоанъ шедша, погребоста отца своего; матерь же

приведоста къ Іисусу, и хождаше съ Богородицею и прочая лѣта живота своего; имѣніе же свое продавши и в'шедши во Іерусалимъ, купиша Сионъ. Пришедши же Христу съ матерію и со учениками въ Жидовьство, и всюду благовѣствующу и крестящу и исцѣляющу; вшедши же ему во Іерусалимъ, Саломі же ту, жена Зеведиова, строителя Ирода Филипова, имущи духъ лукавъ, приступльши помолися Христу, и исцели отъ недуга, и кому не отступи Господа, и послѣдоваше ему. Пребывшимъ же нѣсколько дней, бяше же имъ праздникъ Обновленія, и многы просвѣти Христосъ ученіемъ въ церкви, и керамидники и овощи носящихъ и вся кор'емъники изъ церкви изъгнавъ, и многы боляща исцѣли отъ многа недуга. Воз'врати же ся пакы в' Галелю, и пришель въ Маг'ду градъ, жена же нѣкая именемъ Maria || благородна и 179. а. богата пріять его в' домъ свой; и испытавши слово Христово и видѣвши чудеса, та<sup>ко</sup>же творяше, отрекшися дому своего и приступльши къ Христу, послѣдова ему, и бѣ съ матерію его и с' прочими женами; бяше же смышлена и тепла духомъ, та<sup>ко</sup>же бѣ и Петръ в' мужехъ; и отъ имѣнія своего служаше ему. Ученици Іисусови бѣша сіи: Петръ и Андрѣй братъ его отъ града Вифсаидскаго, Іаковъ, Іоанъ, сына Зеведеова, Филип' же и Вар'фоломѣй, Іаковъ Алфѣевъ, Іуда братъ его, ибо Іосиотъ тѣхъ отецъ нарицаемый Алфей, Симонъ отъ Кана Галилея, и Отома глаголемый близнецъ, Мат'еъ Іевангелистъ, Іуда Скариотъскій. И Іоаннъ же, сынъ Зеведеовъ, по умертвіи отца своего, продасть все имѣніе свое в' Галеліи, и пришель во Іерусалимъ купи Сионъ, выше есть та страна Іерусалиму. Жидовьстіи же архиереи, иже в' та в'ремена того измѣняху имѣния, во святилище приходашу; тѣмъ же и Каїфа не отъ Іерусалима бысть, но отъ нѣкоихъ вышшихъ властелинъ, лѣта того іерей бысть; не бѣ бо тому домъ, рекше обитель, быті, ино въ Іоанновѣ наслѣдії; того ради и той Іевангелистъ Іоанъ глаголеть: яко знаемъ бѣ архиерею ученикъ той Іоаннъ, ибо половину своего дому даль бѣ архиерею, а другую половину дер-

179. 6. жаше самъ, в' нем'же и пасху || самъ со ученикы своими свер'ши тайну вечеря Владыка Христосъ. Тамо бо, рече, Владыка посла ученикы, да уготовять пасху, также рече: идѣте къ онсицы, Иоанну рече; нѣк'то глаголеть еже владыцѣ домов'ному пребывающу, ибо Иоанъ николиже отъ Христа отлучащеся, но с нимъ бяше до того мир'наго распятія; тамо убо и пребываху и въ пасху, и тайну вечера совер'шаху; тамо и Богородица пребываше, отнелиже поять Иоанъ, предстоя с нею у креста Христова и слышавъ отъ него: се мати твоя; и паки Богородици: се сынъ твой. Тамо бо видѣхъ, тако рече, тако поять ю ученикъ въ своя си, во святый Сионъ, во обитель дому своего; тамо бо в'нде Христосъ дверемъ затвореномъ, и ста посреди, и рече: миръ вамъ, и прочая. Мироносицъ бо сед'мъ числомъ: Марія Маг'далыни, и Саломіи, мати сыну Зеведеову, и Марія, Іакова малаго мати, иже бѣ сынъ Іосифовъ, и того глаголаху нѣкои, тако жена Петрова есть и сестра матери Господни, и Марія, Клеопова жена брата Іосифова, понеже Іоакимъ и Анна развѣ святыя Богородица иного чада не сотвориста. Сице же преслав'ныя мироносица сед'мъ у креста в'ноци придоша къ гробу, и ког'да въск'реснетъ разумѣша; Богородица же не бысть у гроба, но отъ многыя печали лежаше, сже Ангелу глаголовъшу къ Маріи Маг'далыни. Христосъ явися пер'вѣе матери своей в'дому Іоанна Богослова въ святѣмъ Сионѣ; ту пребываху вси

179. в. || Апостоли с нею купно, с мироносицами женами и со братію его в' пощеніи и на земли леганіи, во молитвахъ и слезахъ и въ непрестан'номъ пѣснословіи; тамо бо пер'вѣе явися имъ Христосъ дверемъ затвореномъ; тамо и Фому увѣри; тамо и Святый Духъ къ Апостоломъ пусти; и посылаеми в' мѣста, и воз'вращающеся паки тамо собирахуся. Видѣвші же святая Богородица иже на небеса възнесение Сына своего, на большее себе пощеніе подвиже и колѣнопокланяніе, также и Ан'дрѣй рече іерусалимскій і архіепископъ критскій, тако и нынѣ знати есть во мраморѣ колѣну покланяніе, во святѣмъ Сионѣ суть гавлена мѣста та, и

възлеганіе еа на камени, идеже малый есть ст'веный сонъ воспріимаше; честь же и страхъ имаше отъ всѣхъ человѣкъ и славу; не ток'мо отъ вѣрныхъ, но и отъ жидовъ і ел'линъ, и никтоже не смѣяше отъ жидовъ или отъ князь или отъ архиерей приближитися или глаголати или что творити о ней, идеже пребываще в'дому, исцеленіа болящимъ здравіе подавающи, бѣсныя свобожающи отъ нечистыхъ духъ, милостыню же убогымъ прилѣж'но творящи в'довамъ и сиротамъ. Рекоша же нѣці, како ни единъ отъ 12 Апостолъ отступиша далече или отлучиша ся Іерусалима въ животея, но въ скор'би бываєми и въ гоненіи церковнѣмъ; и по убие- 179. г. ніи Стефана пер'вомуученика вси разидашася по градохъ жидовъскихъ и самарейскихъ, ток'мо 12 Апостолъ, также Лука Іевангелистъ пишеть. Быть же по убіеніи пер'вомуученика Стефана, по 6 лѣтъхъ възнесеніа Господня, имѣша же брата Господня Іакова о всемъ пер'ваго сущаго въ немъ благородства, и кромѣ того не творяху нич'тоже. Жены же многы отъ странъ богатыхъ съ Богородицею бяху, овіи отъ недугъ свободжени, ови же отъ духъ нечистыхъ; друзіи же вѣрою и любовію придоша к ней, жена Павлова; и то слово вѣрно. Товить же Фивейскій сказуетъ 59 лѣтъ всего живота непороч'ныя; Андрѣй же отъ Іерусалима, епископъ критскій, отъ преданія глаголеть, во глубоку старость сшедшу: 50 же ради лѣтъ глубока старость нѣсть; сущи же тогда старости ник'тоже писа о ней. Паки же во в'ремена та быв'шу плененію во Іерусалимъ, иже по 30 лѣтъхъ по Христовѣ възнесеніи, прежде пришествіа во Іерусалимъ римскими воиномъ, Апостоли же вси вѣровав'ши въ Христа, и шедши отъ Іерусалима по повелѣнію Ангела, в'нидоша въ градъ Перській, именемъ Пеласъ сице зовомъ. О успеніи же Дионисие Ареопагитъ глаголеть, бывъ у нея с Тимофеомъ и съ Ерофеомъ и с прочими; сей же Дионисие и Тимофей ученикъ бысть Павла Апостола; Павель же 6 лѣтъ и 6 мѣсяцъ || по Христо- 180. а. въ въскресеніи крестися, по трехъ лѣтъ начать проповѣдати и по 9 лѣтъ начать учiti Дионисия; глаголеть же Павель bla-

жен'ный по 14 лѣтъ въ зыги въ Іерусалимъ по проявленію, такоже быти в'сѣмъ лѣтомъ 24. Се же откровеніе бысть обретено в' нѣкакъ воспоминаниихъ, како отъ Едеса въс'хищенъ бысть Апостолъ успенія ради святаго Богородица, и глаголан'ное имъ к' Коринеомъ: такоже явися боле 500 братій Христосъ единаче по въскресении, на успеніи сему быти глаголеть святаго Богородица. Мних' же нѣкто, прозвутъ добро-дѣтеленъ и благобоязненъ дѣломъ и словомъ, благобоязно божест'ваго о ней сказаше, глаголеть, како пребывающу ми въ сихъ, во едину нощь предста ми нѣкто, глаголя: како Апостолъ Павель отъ Едеса вос'хищенъ бысть на обладъхъ на успеніе святаго Богородица, и в'зыде до третіаго пояса звѣзд'наго, и узрѣлъ какоже об онъ полъ океана и самаго рая, и слыша глаголы неизречен'ныя и пѣнія ангельская и апостольская. Нѣци же глаголуть, како елико отъ Апостолъ не быша въ Іерусалимѣ, вси на облацъхъ придоша; но Дионисіе Ареопагитъ бывъ ту, не глаголеть сего; паче же по нѣкоему смотренію прежде исхода ея събрасшася: никоже бо бѣ отъ Апостолъ представил'ся до успенія, токмо Іаковъ Зеведиовъ, братъ Іоанновъ, егоже уби Агрипа;

180. 6. || Иродъ же и еще живъ бывъ, черв'ыми изъѣденъ бысть. Пресвятаа же приснодѣвя и всенепорочная Богородица прежде 15 дній пророчествова о оществіи своемъ; прежде 13 день Архангель Гаврій предвѣсти ей отъ мира отшествие и пришествіе Господне. И придоша кней вси Апостоли и увѣдѣнъ Святымъ Духомъ отшествіе ея, иніи же мнози придоша кней; придоша же и жены многи: Марія Магдалина, и дщери Іосифовы, и ины в родѣ ея бывающи; и многая слова изложи имъ и тайны страшныя, также въ сердци своеемъ влагающи и храняще, и целованіе Ангела, и привидѣніе его, и прежніе видѣніе, иже прежде бяше видѣла молящія въ церкви, како въ Апостольскихъ писанияхъ сказуетъ, завѣтъ творить, какоже вѣщаєтъ Апостолъ Вар'фоломѣй; бяше же удрученна пер'ваго ради въздер'жания. Егда же прииде часъ ея той всѣмъ явися Христость; и отъ слова и отъ просланія, также о

немъ свѣта, вси падоша ниць на зем'лю, и быша како мертвіи; и рече имъ: миръ вамъ. Они же отъ радости устрашишася, пѣніе же слышавъше ангельское невидимо; Апостоли же стояху уныв'ше и чудесы дивящася; также и въспѣша Апостоли. Пречистая же како сномъ слад'кымъ раз'вер'зыши уста своя, предасть духъ Сыну своему и Богу, сущи лѣть 72. || И паки Ангели воспѣша и 180. в. отъдоша со гласомъ на небеса; святіи же Апостоли, какоже Дионисіе Ареопагитъ глаголеть, свою пѣнько каждо ихъ воспѣша, а не в'купѣ вси: понеже Іерофѣеву пѣнію вси удивиша. И по отпѣтии сотворив'ше, вложив'ше ю во гробъ въ Гепсиманіи, помалѣ въсѣмъ сущимъ зряцімъ и еще, восхитиша святое и неск'вер'ное и всенепорочное тѣло отъ очио ихъ. Егда же и божест'венный сосудъ невѣрнаго въс'хищ'ника дер'зость руцъ его отпасти сотвори; и похвалиша Апостоли, и тако прославльше, и похвалиша Бога, и тако отъдоша кож' до въ своя си. Ч'туть же ся лѣта ея сице: сед'ми лѣть принесоста родителя ея въ Іерусалимъ; сотвори въ церкви Господни полъ-7 лѣта; в'дому обручника Іосифа 6 мѣсяцъ, идеже всемир'ная благовѣстися радость; въ 15 лѣто роди Иеммануила; съ Сыном' же своимъ Господемъ нашимъ Іисусъ Христомъ сътвори лѣть 33, также бывають съчитаема 48 лѣть; по сынов'ни же възнесеніи в'дому Іоанна Богослов'ца во святѣмъ Сионѣ пребысть лѣта 4 между десятими; всѣх' же лѣть бывающихъ 72 лѣта. По успеніи же Богородица вси Апостоли рас'сяяша: Іоаннъ же иде въ Ефесъ; Мат'оей Евангелистъ глаголеть, како до плененія Іерусалимова ник'тоже отъ Апостолъ далече отъиде; а еже о немъ Евангеліе глаголеть, || по 30 лѣтъ писано повелѣніемъ 180. г. Іакова, брата Господня, еже бысть живъ по възнесеніи Господни, какоже глаголеть лѣть 28; съ же Іаковъ раздѣли имъ страны, послалъ ихъ всѣхъ; повелѣвшъ имъ како подобаетъ учити, и приступати имъ к' нему по вся лѣта. Они же како ученицы Христовы, повелѣваемаго имъ послушаху, и благъ всякий глаголь сотвориша присночестніи и прехвалніи Апостоли, да единогласно въ всѣхъ проповѣдаху Христа, истин'наго Бога нашего,

ему же слава и дер'жава со безначал'нымъ Отцемъ и со Святымъ и животворящимъ Духомъ, нынѣ и присно и во вѣкы вѣкомъ.

**В' ТОЙ ЖЕ ДЕНЬ**, слово святаго отца нашего Андрѣя Критскаго Іерусалимлянина на Рожество пресвятаго Богородица.

**Н**ачало убо намъ праздникъ настоящій праздникъ, пер'вый же по закону и синехъ, но и къ благодати истине входъ; есть же сий средній и конечній: начало убо имъ закон'ному прецію, среду же къ совершенному совокупленію, конец же истин'ному тавлению; совершеніе бо закона Христосъ, не наипаче ны отводя писмене, елико възвращая на духъ, той бо совершеніе, въонже самъ закону датель в'ся скончавъ, на духъ пис'мя приведе, почновивъ собою все, и соверши закономъ и благодатію, и ово подирагъ, ово же совокупль в'ся стройнѣ, не с'мѣсивъ къегождо, къ коему ж'до своихъ, премѣн'но же и зѣло благолѣп'нѣ, лег'чайшее и свободное; елико же тягост'но и работно, и подъ рукама, да не еще будемъ подъ прочими мира поработищіи, тако рече Апостолъ, ни игомъ работнымъ закон'наго писмене дер'жим'ся: се бо о нашихъ благотвореній Христова главизна! се тайны тавленіе! се бо обновивъшиася вещь, Богъ и человѣкъ, и пріятію убоженіе! Но сице свѣтлому и преслав'ному Божию ко человѣкомъ пришест'вию подобаше чесому всяко быти радост'ному приглашенію, имже великий спасенія приспѣ к намъ даръ, се же есть настоящій праздникъ, прообразоваемый Богородиціна рожденіе, совершеніе же словесному во плоти смѣшенню полученіе, въ неже новѣйшее во всѣхъ чудесехъ слышаніе выну глаголемое, бѣдно разумѣваemo пребываеть, и бѣд'нѣ видимо; елико же видит'ся таемо отъ того убо дѣйства свѣтль выше носящи. И таکоже отъ пречистыхъ цвѣтесь духовныхъ писаній ц'вѣт'ци украсивши вѣнецъ Богообрадован'ный сей и пер'вый праздникъ день обще твари веселіе предлагаетъ; дер'зайте, глаголя, рожденіа праздникъ и роду потвореніе: дѣва бо нынѣ ражается, и доима есть, и растетъ, и Богови

всѣхъ, царю вѣкомъ, неискусная браку готовит'ся мати. И си намъ, иже отъ Давида, со Давидомъ духов'ный совокупимъ праздничникъ: ова таکоже Божія мати предпоставивши свое Богомъ даное рожденіе, овъ же рода и благочестіе таавля и Божіе къ человѣкомъ новолѣпное сер'добольст'во. Оле дивное чудо! ова ходатайствуетъ Божества высотою и плоти смиреніемъ, и бываетъ мати ст'ворившему всю тварь; ов же пророчествуетъ будущее аки уже сущее, и клятвою в'зять отъ Бога славу роду, отъ чреспль обитель и с'храненіе. Праздничная убо в лѣту дни тайна, и даромъ приносити Словесе Матере слова сама, таکо не любое ино о ничтоже раз'вѣ словесе, и та же о словеси честь; им'же и сугубъ отъ того намъ прибываеть тружающимъся прибытокъ: ово же таکоже ко истин'нѣ насть воз'водя, ово же закон'нья во писмени работы и житія отводя, како и коимъ лицемъ отходить закон'ная свѣта пріешествіемъ, и свободу писмене в'носящи благодатію, их'же настоящій праздникъ меж'ду уставы стоить, истин'ну образныхъ знаменій отлучая, и новая в' вѣт'хыхъ мѣсто в'нося. Сей Павель, божественаго Духа труба, въпіаше, глаголя: та же о Христѣ новая тварь понов'ліяется; древ'няя мимоидоша, се быша в'ся нова. Понеже бо нич'тоже законъ соверши, въведеніемъ же бол'шаго ушованіа, им'же приближаемся Богови, благодати таїся ясно истина; || са́мъ себе в'давъ законуда- 181. в. тель нескажемъ въ источаніе, смотрител'нѣ человѣкъ пріиде, да исполн'ить недостаточное и дастъ въ хуждышихъ мѣсто бол'шая и совершеная, еже и высокій вопіеть Йоаннъ Богослов'ный, словесемъ громъ нази- менуетъ тавленіе: отъ исполненія мы все в'захомъ, и благодать воз'благодать; тому бо источыv'шуся, та же и вообразив'шю выше вещій отъ насть, наше мы исполненіе възахомъ и възданый възятаго мѣсто смѣшенніа обогатѣхомъ обоженіемъ. Да радуются убо всяческая днесъ, і естество да ликуетъ, да веселит'ся небо свыше и облаци да проліютъ правду, да источать горы сладость и хол'ми веселіе: тако помилова Господь люди своя, воставивъ царство веселія намъ, в' дому Давида отрока своего, непорочную сюдѣву

и без'муж'ную, изъ неіаже Христосъ спасеніе, газыкомъ чааніе. Да ликуетъ убо нынѣ всеблагоумная душа, и да созоветь тварь естество на обновленіе и на потвореніе; не плодови съ силою да текутъ: бесчадная бо и неплоды Божію отроковицю Дѣву роди. Дѣвы радуются: несъян'ную бо землю, егаже плодъ недѣланенъ, неплод'ная прорости браз'да. Матери да ликуютъ: не раждающіа бо мати 181. г. бесмертную матерь и дѣву роди. || Жены да веселят'sя: жена бо, также древле грѣха устремленіе въведшиа, спасеніа нынѣ начало внесе, и древле осужденная гавися Богомъ избраннаа, мати без'муж'ная избранна соз'дав'шему и роду исправленіе. Вся убо тварь да славить и ликуеть, и да вноситъ что дни достойныхъ. Буди обще едино днесъ небесныхъ и земныхъ празднованіе; и да ликуеть елико в' мирѣ и выше мира тварь. Днесъ бо всѣхъ Твор'цю здан'ое зиждется жилище, и тварь сотворив'шему свято въдвореніе новолѣп'нѣ готовит'sя; днесъ прежде опустѣвшіа венцъ начало в'землетъ обоженіе, и на славу перъсть выш'ную высоче в'зыти ведет'sя; днесъ отъ нась начало Адамъ Богови принося и всего в'мѣщеніа к'васъ, прежде в'мѣшены, тою хлѣбъ творится на потвореніе роду; днесъ великое ядро дѣвъства открывается, и в' некрадомый бисеръ истин'наго нетленія церкви невѣстъски облачит'sя; днесъ чистое человѣческо благородіе первого богоздания отъемлетъ даръ и к себѣ возв'ращаетъ, и иже учрежены добродты благолѣпіе злобы злородіе, ту венцъ родив'шиа матери краснаго приводящи, тварь предобру и благолѣпцу пріемлетъ, и бываетъ во истин'ну тварь и утѣшеніе и обоженіе и къ пер'вообразному уподобленію; 182. а. днесъ неплоды || мати чресъ надежду обрѣтается, и рожденію мати безъ отца отъ не раждающу пазуху ражающи, рожденъ освящаетъ естество; днесъ добролѣпотныи Божія багряница очер'влена, и во царскій санъ нищее человѣческо облечется естество; днесъ Давидъская пророчески прозябѣ лѣторасль, жезль Ааронъ выну цвѣтущъ гавив'шиа и жезль силы намъ Христа родив'ши; днесъ отъ Іуды и Давида отроковица ражается, царства и святительства обнавляющи лицо, по чину Мелхиседекову

быв'шаго, а не по чину Аарону жер'чествовав'шаго; днесъ таинный Божія святительства енеталь благодати убѣлившиа лев'гтьскому образнѣ прорости племени, царску багряницу очер'вивъ, Давидъский Богъ обагривъ кровю; и совокупя рещи, днесъ естества нашего обновленіе начинается, и состарѣвыйся миръ богообразную в'земля утварь, втораго Божія зданіа прообразованіе приметъ. Понеже бо первое человѣческое з'даніе отъ чистыхъ землѣ неоск'вер'ненъ сотворено бѣ, и погуби же сродну естество власть, окрадыши даръ преступленіа пополненіе, им'же изгнани быхомъ животнаго мѣста и пород'ныя пища, естество маловремен'ную жизнь прѣми жребій акы кый отецъ к намъ дошедь, отъ негоже смерть, и еже оттуду роду || пагуба, также сже по мѣстомъ 182. б. с' выше всѣмъ рас'сыпав'шим'sя, вся убо отыата бѣше спасеніа надежда; потребоваше же помощи естество выш'ия. Законъ же бѣше никийже на врачу болѣзни ни сродный, ни иже въ писаніи лежай, ни пророческое богодохновен'ное и кажущее слово, ни еликуже человѣческую вѣсть исправляти венцъ, и имиже бѣ скорѣе удобезнѣ возв'рати вся на первое благородие, благоволи вынъ тог'да всѣхъ великій хитрецъ Богъ, такоже се нѣкій зѣло стройный новопочтенъ миръ, другой нынѣ сотворенъ показати, и вселив'шися древ'ле грѣха входъ, имже смерть потребивъ всяко тако див'ную кую и неработную и во истин'ну бестрастну жизнъ намъ указавъ пораждающим'sя, како богопорожденіа крещеніемъ, тако убо бяще тому к намъ прійти милосердію велику суцю и преславну, и законъ Божій благолѣпну, аще не Богови намъ во плоти гавив'шуся и закономъ естественнымъ повинув'шася, и иже по намъ имиже вѣсть словесы жити новолѣп'не велящю. Се же кымъ лицемъ наконецъ приведеть к'то, но дѣвици чистѣй и непорочнѣй, служащи тайнѣ прежде, также ражающи пресущнаго, законъ закону предолѣвающи вещи? также кто си будетъ, раз'вѣ единоя тоа, преж'де всѣхъ родовъ || избранный всю сотворив'шему власть? 182. в. Также есть Богородица Maria, Богомъ наречено имя ей, также изо утробы с плотю

пребожественый пройде, юже самъ себѣ церковь сотворивъ созда, тако не истили утробы родившіа, ни въсѧніа родившія требование: Богъ бо бяше, аще и плотю родитися изволи без вреда и болѣзни кромѣ, также да и матерьскихъ мати убѣжити преславиѣ, корѣющи млекомъ егоже без мужа роди, и дѣвава не въсѧнъ родивши сынъ, пребудеть дѣвою непорочна, цѣла и по рожденіи дѣвства знаменія носящи, егоже родилица и Богородица проповѣдьется, и дѣвъстъ во чтетъ, и рожденію кланяюся, и Богъ человѣкомъ воединивши, также плотю гавивши, своеа славы даруетъ санъ; пер'выя же оноя клятвы аbie женьская венцъ прощеніе приемлетъ, тако же в'ведши грѣхъ наченши спасеніе. Прииде же уже слово намъ на саму ту главизну; и зде азъ днесъ торжникъ и свѣдѣтель пи-  
ровникъ святому сему пиру, вамъ придохъ трапезу общую представляя и веселіе. Во-  
схотѣвъ бо, также рѣхъ, роду избавитель, новое въспріати пер'ваго рожденіе и твореніе, также тамо древле, отъ дѣвическихъ бо и чистыя земли каль в'земъ, пер'ваго  
созда: тако и нынѣ зде свое воплощениe  
самъ творя, въ оноя мѣсто, также речемъ,  
земля, чистую и непорочную сю дѣву, въ  
всей твари избрavъ, еже по насть отъ насъ,  
въ той ново сътворивъ, уный Адамъ творецъ  
бысть, да вет'хаго младый и вышевремен-  
ный спасеть. Но к'то сущій? отъ кыпихъ роди-  
дися родитель? се да глаголемъ воскорѣ  
сказаніе прошедшее по силѣ; си убо отъ  
всѣхъ похвалъ изрядная хвала: д'щи роди-  
ся Давыдова, съмъ же Иоакимово, отъродъ  
же Левгінъ, рожденіе же Аннино. Иоакимъ  
бо мужъ кротокъ и тихъ и въ законехъ въ-  
зрастъ Божіихъ, цѣломудренъ живый, Богови же прильжно моляся, без'чада соста-  
рися въ жизни, учъ сущи вещи. Амана и та  
боголюбца, цѣломудрена убо, но неплоды;  
мужелюбца убо, но бесчада; и ничтоже раз'вѣ законъ Господень чистъ поучение но-  
сящи, та неплодными древле стрѣчена  
жалы елико же дній, та же страдати бес'чад-  
ныимъ лѣпо, тужаше; печалу же плакаше-  
ся, бес'чада не тер'пяци. Тако же печалио  
одер'жима Иоакимъ же и жена ему, тако дѣ-  
тищъ не бяше тѣма роду наследникъ, но

обаче упованіа ею не угасе до конца свѣ-  
тило; молитва же бяше отъ обою подати  
има чада на воставленіе племени. И слав-  
нѣй бо Аннѣ рев'нующа, оба къ церкви <sup>183.</sup> чащаста, молитвами же Бога моляста дати  
раздрѣшеніе бес'чадіе и плодъ неплодст'ву;  
таже прежде не отступиста, развѣ да жела-  
мое получита: не бо удер'жа упования дарь  
дарудатель. Тако прилежащима има и моля-  
щема Бога, пріиде воскорѣ к'нима не закос-  
нѣвшіа сила, и ового убо на плодотвореніе,  
ову же на дѣтородіе обросивъ, отънераж'да-  
ющъ раждающа содѣла; и тако уже отъ не-  
плодныхъ и сухыхъ древесъ плодъ пресла-  
венъ, пресвятаа си дѣвава, родися сима, и раз-  
дрѣшахуся узы неплодныа, и раждающая мол-  
итва чресъ надежду гавляшеся, и дѣти ражда-  
ющи нераждающая, и добродѣтна бесчад'ная.  
Г'дѣ же пройде отъ нераждающей утробы  
таже ис ч'рева класть бессмертный родивши?  
въ церковь ю пер'вый имуща возраста ц'вѣть  
родившіа привед'ша вдаста, юже чреду тог-  
да служ'бы творя святитель, дѣвическая  
такоже видѣ лики предвидуща со свѣщами,  
во слѣдъ, увѣдъ и зѣло възрадовася: тако-  
же уже надежда божественая гавѣ обѣть  
узрѣвъ, и аки нѣкую честную жер'ту благо-  
приятну, святое возложеніе Богови освяти,  
въ сама та нев'ходнаа Святая святыхъ ве-  
ликое спасеніа ск'ровище возведь, въ нихъ-  
же отроковице невѣстъскы ходящю, свя-  
тою и бессмертною кор'мити пищею, доне-  
лѣже обрученіа приспѣ время, еже прежде  
всѣхъ вѣкъ установленое бяше тому единому  
родившемуся, милосердіа ради нескажемаго,  
и иже преж'де всея твари и времени и ра-  
стояніа Божеския родившому и сродному  
и спрестол'ному и поклон'ному его Духу,  
ихъ же яко едино Божество, тако и венчъ, и  
царство нераздѣлимо, никогоже где к себѣ  
приемлющи, развѣ исконныхъ собствъ свой-  
ства. Того ради ликуя праздную, и веселю-  
ся, и Матере и Словесе приношу дарь празд-  
ничный, яко таже въ Троиці вѣра главизну  
тоя рожденіе гавѣ, безначал'ному бо Словеси  
и Сыну, свое воплощеніе самому творя-  
щю; и родившій Отецъ с нимъ благословивъ  
гавляется; и Духъ Святый, прежде воскакаа  
же и утробу освящаа, заченши недомысли-

маго. Но часть нынѣ Давыда вопрошати: что к' самому тому всѣхъ кленыйся рече Богъ? Но сия убо, пѣснопис'це, пріими, Пророче; устрой гусли, двигни бряцаніа, глаголи ясно: что тебѣ клятся Господь? Что ми ся к'ля? отъ плода чресть моихъ посадити на престолье моемъ; тѣмъ ми ся кля; и не отвержеся, и дѣлы словеса печатль: единою клях'ся, рече, о святѣмъ моемъ, аще Давыду сол'жу? племя его въѣкы пребудеть, и пре-

183. в. столь его яко солнце предо мною || и аки луна свершена въѣкъ, и свѣдѣтель на небеси вѣренъ. Тѣмъ ми ся кленясь, соверши словомъ, вся закономъ уставивъ, утверди: немощно бо лгати Богови. Се убо видитъся по плоти Христосъ мой сынъ проповѣдаемъ, и Господь мой и Спасъ покланяемый поется; и все языци тому покланяются: видять бо его въ дѣвичихъ престолѣхъ на тронѣ, аки на мою руку сѣдящаго. Се и дѣва си отъ моихъ нынѣ чресть родися, елаже изъ утробы иже прежде вѣкъ наконецъ вѣкомъ въ плотивъся, пройде, и человѣческую обнови тварь. И си убо тако. Мы же, иже Божіи людіе, нарокъ святы, соборъ чистъ, ликуимъ отеческай, почтемъ тайны силу; каждо по данному ею дару да подастъ кый празднику даръ достоинъ: отцы благочестіе рода; матери добро чадіе; неплодови грѣха не родимое, дѣвица сугубое нетленіе, души, глаголю, и тѣлу; таже подвигомъ похвалное целомудріе; иже отецъ нашъ да подражаетъ дѣвица отца, аще и безъ дѣтища есть, да емелья раждающую молитву, отъ боголюбива го то плодяше; таже мати доящи да веселится съ Анною, доящи отроковицу, по молитвѣ и по неплодствѣ; таже неплоды не раждающи, плода благословенія не имущи, да притечетъ вѣрою къ Богомъ данному Анни-

183. г. ну рожденію, || и отвержетъ неплодство; таже дѣва чистяющи да будетъ мати слову, словомъ утваряющи душа устроеніе; таже подъ с'пряженіемъ да приносить Богови плодъ словесный, отъ нихъ же молитвою притяжа; в'купѣ богатъ и убогъ, уноша и дѣвы, старци съ унотами, жер'ци и лев'гити, царіе и боляре, царица и княгини, и все свѣтло ликуимъ, и дары принесемъ убо отроковици и Матери Божіи, Пророчици, изъ негаже Про-

рокъ, егоже писа Моиси, приде Христосъ Богъ истин'на; вѣримъ церкви предверіа, стечемъся съ предтекущими дѣвами, въ сама та святыхъ сидемъ Свята: ту бо пелены по рожденіи пос'су бо младенствѣ, во д'вѣтъ часа растущій, чerto тогу подобныи, уготова ей Богъ, кор'мител' ницио сохранивъ себѣ честную. Того ради дѣвы ликуютъ и близники ею преди путь творяще будущимъ, обѣ страны Сионскія дщери, аки предъ царицею текуще, въ благоуханіе миръ ей предназначающе; абіе же сама та церкви святая рас'простер'ши отверз'е двери, но царьскую всѣхъ пріиметъ славу. То'гда же святыхъ отверзахуся Святая, пресвятую святаго матеря вънутрь въходимая внемлющи; пища же той приноситъся свята, и питаєтъ ю тако, не рукодат'и питающую, иже по малъ той кор'мий млекомъ, и бываетъ 184. в кор'мител' дѣвѣ Духъ Святый, до явленія еа во Ізраиліи; егда же и обрученіа время приспѣ, и отъ Давыда рожденую Давыдъ Иосиѣю собрученъ бысть, и гласъ Гавриловъ въ съмене мѣсто въя, и бысть въ утробѣ носящи не искусишіа ложа, и роди сына, егоже не вся отецъ, и пребы чиста, не окрадши утробы, цѣла и по рожденіи, сохранившу самому рожденому дѣвъст'вена знаменіа; тый есть Іисусъ Христосъ, въ миръ грядый, тый есть истин'ный Богъ и жизнь вѣчная, тому слава и дер'жава, честь и покланяніе, со беззначающимъ Отцемъ и животворящимъ Духомъ, прежде всѣхъ вѣкъ и на вѣкы, и еще и нынѣ и присно и въ прочая въся вѣкы вѣкомъ. Аминь.

**В ТОЙ ЖЕ ДЕНЬ**, иже въ святыхъ отца нашего Андрѣя, архіепископа Критскаго, Іерусалимлянина, слово на рожество преславнаго Владычица нашея Богородица и приснодѣвы **Maria**. Благослови отче!

**A**ще мѣрима есть зем'ля пядю, и вервию оноугасается море; аще лакотьми испытуется небо, и звѣздное множество считается; аще кап'ля дождевная и груды зем'яные и вѣтряные буря и пѣска количство постизаетъся: сие и начинаніе нашея вещи будетъ постижено гравъ, яко Божія бо Матере тор'жество и рождество

184. 6. досточюд'яя отроковица || творимое, отроковица приснодѣвы, отроковица неискусобрачны, царица, пророчица, егаже царьскыя пелены Давыдъ, велицій въ Пророцехъ и царехъ, царскимъ окомъ вообрази, възва: в'ся слава д'щере царевы внутрь; в ряснахъ златыхъ одѣана и преиспещ'реня. Издалеча мно еже отъ пеленъ аби обложеное то, и божественая доброды благолѣшіе, испрещеніемъ Божественаго Духа дарованій назнаменуя: се бо суть еже отъ зата ризы и златіи рясни, по моему разуму; мно же и царьскыя пелены ко благоразумному, ко бестраст'нѣй пріиматися, егаже внутренеѣ благолѣшіе и еже отъ доброды виѣшня сияющуя дѣвъяя прозрѣвъ красоту, дерз'новен'номъ гласомъ воз'пи: слыши, д'щи, и виждь, и приклони ухо твое, и забуди люди твоя и домъ отца твоего, и въсхожеть царь доброды твоей. Икоже аще и проявлен'нѣ о еже отъ газыкъ церкви возводъ имутъ; но небѣдо и о сей пріиматися иже всея церкве невѣстѣ, церкви быв'шай воплощенія чудеси. Гряди убо в'купѣ сошедшеся со Давыдомъ, иже отъ Давыда вос'пленемъ подобнаяя Божіи Матере похвалы, почтемъ праздника свѣтлость, принесемъ Дѣвѣи дѣвъственая честнословіа, дароносимъ царици рода нашего яко многочестнаа мира пророческая прореченія, || пригласимъ той Гав'рилово приглашеніе, р'цемъ Матере радостная: радуйся, благодатъна! Радуйся, пресвѣтлая, егаже ради тма отгнася и свѣтъ в'веденъ бысть! Радуйся, благодатная, еаже ради законъ умол'че и радость процвѣтеся! Радуйся, радости начало и клятвѣ потребление! Радуйся, во истин'ну обрадован'ная: Господь с тобою! о тебѣ послѣжде, иже тобою пер'в'е, силою пер'в'е, дѣйствомъ второе. Нынѣ убо уготови утробу свою во селеніе тому, тог'да же содѣется ис тебе плотъскій великаго смотрѣнія царь! Радуйся, едина благословеніа въ нѣдрохъ прием'ши Господа, да пер'в'яя клятвы сов'лечешия! Радуйся, богопріятное дѣвъства сокровище, отъ негоже рожество произыде нетлѣн'но, и богатьст'во дѣвъст'ва пребыть некрадомо! Радуйся, мати чистотъствующа и дѣвою домуща! Радуйся, доброды вѣн'че и рода

184. в. 185. а.

нашего царице, царьскими отъвсюду красящися изящьсты! Радуйся, богоосвящен'яя церкви Христа единого, единого въ небесныхъ святыхъ по чину Мел'хиседекову священъствующаго! Радуйся жезле Аароновъ, кореню Іесъовъ, скипет'ро Давыдово, царьское одѣяніе, радостный вѣнецъ, дѣвъства образъ неописан'ный, освященіа пластиры, сіи рѣчи дѣска, иже на престолѣ, недовѣдомыхъ слово! || Радуйся, закону хода- 184. г. таице и благодати, таже вет'хаго и новаго завѣта печати, в'сякого пророчества гавъственѣшее исполненіе, краегранесіе богодохновеній истинныхъ, таже Божій одушев'ленный же чест'нѣйшій свитокъ, в' нем'же неизглаголан'нѣ и неописан'нѣ самъ написася Богъ Слово и на всякъ день прочитается! Радуйся, начало нашего зданіа, кон'че иже к намъ обѣщан'ныхъ Божихъ прореченій, предвозвѣщен'ное Божия славы святыище, благонадеж'ное газыкомъ спасеніе! Радуйся, во истин'ну истин'наа лѣст'ице Яковля, дымящаися горо, ков'чеже освященія, всюду окованъ златомъ и сіающи духомъ, златая руч'ко, Христа, небесную маниу, носяща, и пище всѣхъ нетлѣн'яя! Радуйся, егаже ради еже в' печалехъ родиши чада мѣста не им'я к'тому, ко еже в' радости ражати претворися! Благословена ты в' женахъ, егаже ради в' познаніе призываши газыци въровав'шай! Благословенъ грядый во имя Господне, Богъ Господь гавися намъ! Благословена ты в' женахъ, тайный богонасаженый винограде, во званіи церковнѣмъ прозяб'ша и зрѣлый гроздъ нетлѣнія возвращашій! Благословена ты в' жепцахъ, боговъздѣлан'яя браздо, иже без'сѣмен'ный и ненапоен'ный жизни нашея класть, таже въ купинѣ, въ утробѣ понес'ша! || Благословена ты в' женахъ, во истин'ну 185. а. вжелѣн'яя земле, отъ неяже кала скудел'никъ пер'стъ нашу сотворъ, скрущ'шій грѣхомъ сосудъ обнови! Благословена ты в' женахъ, новый Сионе, в' нем'же почи мысленый киотъ, воплощеніе Божія Слова; ей, убо все исполненіе телесное обита Божества! Благословена ты в' женахъ, божественый во истину дому Давыдовъ, в' нем'же богоноснія священ'яя церкве тайн'ицы, про-

тавленіе имуще божественныхъ откровеній, пророчествоваху будущая! Благословена ты в' женахъ, мысленный Вифлеомъ, хранилище и естественый живот'наго хлѣба доне бывшій и глаголемый! пожитъ бо, таکоже вѣсть, в' тебѣ и нашему примѣсися несмѣшнѣ с'мѣщению, в'сего себе Адама примѣсивъ, да х'лѣбъ будеть живот'ный небесный. Благословена ты в' женахъ, та же закон'ныя и стѣнов'ныя скиния бол'шия, оть неизможе великій Веселейль, Христосъ Богъ, сущая благодать, нерукодѣлан'на себѣ храмъ устрои, одушев'ленную свою плоть, началохудожествомъ Духа. И что убо аще ино речемъ, възлюбленіи, достоянію чер'тоожно, той воз'можно принести пѣсни. Но аще не оть рая писаній цвѣты той тайныя принес'ше, похвал'ныи исплетень вѣнецъ: нѣсть бо невѣдѣти кому во в'сякомъ божественомъ Писа-  
185. б. ии || проходящу раз'стяян'на разлѣчнѣ о той назнаменанія, та же во сіимъ люботруднѣмъ словѣ обнажена обрящетъ убо, и божественою благодатію обыметъ. Тоя бо имя многоозван'ными именованіи именуемо есть и множицею Писаніемъ свѣтлѣ изъявляемо. Еликоими именованіи зватися обыче пречистая Богородице прине си речемъ: Дѣвулю ти именуетъ, юнаку, чер'тогъ, пророчицу, домъ Божій, домъ святъ, в'торую сѣнь, трапезу святую, жер'твенникъ, очистилище, злату кадил'ницю, святая святыхъ, Херувимъ славы, руч'ку злату, скрижалъ завѣта, священ'ній жезль, хоруг'ви царствія, діадима доброты, рогъ, в нем'же помазания миро, алавастро, свѣщникъ, кажденіе, свѣщую, свѣщній свѣть, колес'ницю, руч'ку, камень, землю, рай, ниву, бразду, источникъ, юницю, каплю и подобная симъ. Еликоими сіо славніи духомъ Пророци во образныхъ тайн'ныхъ зрѣнихъ, прозор'ливъ именуютъ, сирѣчъ: Купину убо, таکоже глаголеть Моиси: пришедъ вижду видѣніе великое се: что таکо горить купина, и не з'гараетъ? Жезль, таکоже егда Исаіа рече: изыдетъ жезль ис корене Іесеева, и цвѣть оть корене пройдетъ. Корень: и будеть корень Іесеевъ, и востая  
185. в. и обладая людми, на ны || газыци уповаютъ. Земля святая: Моиси, Моисей! раз'рѣши салогъ ногу твою: зем'ля бо, на нейже

стоши ты, зем'ля свята есть. Земля вожделен'на: и уничижа землю желан'ну. Земля восіающи: истин'на оть земля восіа. Югъ: Богъ оть юга приидеть, и Святый оть горы престън'ныя часты. Камень: отс'чеся камень оть горы кромъ рукъ. Гора, юже благоволи Богъ жити въ ней. Маслина: азъ же та же маслина плодовита в' дому Божіи, уповахъ. Кивотъ: воскресни Господи в' покой твой, ты и кивотъ святыя твоа. Престоль: видѣхъ Господа Саваофа сѣдяща на престолѣ высоцѣ и превъзнесенѣ, и исполнъ славы х'рамъ его. Д'верь: рече Господь ко мнѣ: в'рата си затворена будуть и не отверзутся, и никтоже пройде ск'возъ ихъ, и Господь Богъ Ізраилевъ в'идеть і изыдеть ими, и будуть в'рата затворена. Сионъ: приидеть оть Сиона в'зываа, и отвратить нечестіе отъ Іакова. Избр'я Господь Сиона, и изволі его въ жилище себѣ. Мати: нарицается мати Сионъ, речеть человѣкъ, и человѣкъ родися в' немъ, и той основа и Вышній. И откуду мнѣ се, да прииде Мати Господа моего ко мнѣ? Носило: носило сотвори себѣ царь Соломонъ оть древесь ливанов'хъ. Одръ: се одръ Соломонъ, 60 сильныхъ окресть его оть сил'ныхъ Ізраилевъ. Свитокъ: и се рука простер'та ко || мнѣ, и 185. г. в ней свитокъ к'ниженъ, и разрѣши его предо мною, и бѣ в' немъ написана предняя и зад'яя; и рече ко мнѣ: сыне человѣчъ! сиѣжь свитокъ сей. К'нига: и будеть по глаголехъ сихъ, глаголеть Богъ, та же словеса книги сеа запечатлѣнныя, ему же аще дастъся человѣку, въдущю писанія, глаголющу: прочти сіе; и речеть: не могу прочести, запечатлѣн'на бо есть книга. Паки Свитокъ: и рече Господь ко м'нѣ: пріими себѣ свитокъ новъ, и напиши в' немъ писаніемъ человѣческимъ, еже скоро створити плененіе ко-ристемъ, настоить бо. Клѣща: и посланъ бысть ко мнѣ единъ оть Серафимъ, и в руцѣ своей имуща угль, егоже клещами в'земъ оть олтаря, и коснуся устнамъ моимъ, и рече: се коснуся устнамъ твоимъ, и отъиметь безаконія твоя, и грѣхи твоя оцѣстить. Дѣва: се Дѣвя во чревѣ пріиметь, и родить Сына, и нарекутъ имя ему Ем'мануиль. Пророчица: и приступль къ пророчици, и во

чревъ пріатъ, и роди сына; и рече ко м'и Господь: нар'ци имя ему: скоро испровер'зи, напрасно плени; занеже прежде даже разумѣти отрочати нареци отца или матере, пріиметь силу Дамаскову и користь Самарийскую. Царица: пред'ста царица одесную тебе в ризахъ позлащенахъ одѣана и преиспеш'rena. Искреня: вся если добра, иск'-  
 186. а. реняя моя, и порока || нѣсть в' тебѣ. В'ниди, пріиди искреня моа. Невѣста: гряди отъ Ливана, невѣсто; пріидеши и пройдеши, отъ начала вѣры; сотъ искалплють устигъ твои, невѣсто; медъ и млеко подъ языкомъ твоимъ, и воия ризъ твоихъ тако воня ливанова. Сест'ра: что украсистеся очи твои, сестро моа невѣсто? Вер'тоградъ: вер'тоградъ заключень. Д'щи: слыши, д'щи, и виждъ, и приклони ухо твое, и забуди люди твоя и домъ отца твоего, и вожделѣть царь добротъ твоей. Многы д'щери стяжаша силу, многы стяжаща богатъст'во; ты же превъзиде и превъзнесеся отъ всѣхъ. Обрученая: посланъ Ангель Гаврійль отъ Бога во градъ Галилейскій, емуже имя Назаретъ, къ дѣвѣ обрученѣй мужеви, емуже имя Йосифъ, отъ дому и отечества Давыдова, и имя дѣвѣ Маріамъ. Облакъ: се Господь седить на облацѣ лег'цѣ, и пріайдетъ въ Егупетъ, и потрясутъся рукотвореніа египетскаа. Зрѣніе: зрѣхъ видѣніе огнено, и свѣтъ его окресть видѣлъ, дуги его егда будуть на облацѣхъ в' день дож'да, сице стояниемъ свѣта окресть; се видѣніе подобіе славы Господня. Илек'торо: и видѣхъ, тако видѣніе илектора, видѣніе огнено в'нутрь его, видѣніе отъ ногаса даже до долу. День и нощъ: день дни отрыгаеть глаголь, и нощъ  
 186. б. нощи воз'вѣщаетъ || разумъ. Небо: съ небеси приз'ри Господь, видѣ в'ся сыны человѣческія. И небо небеси Господеви. Въстокъ: царствіа земная пойте Богу, въспойте Господеви вошедшему на востокы, на небо небесное. Западъ: путь сотворите возшедшему на запады; Господь имя ему. Солнце: въ солици положи сelenіе свое, и той тако женихъ исходя ис чер'тога своего. Градъ: преслав'ная возглашалашася о тебѣ, градъ Божій. Рѣчная устремления веселять градъ Божій; Богъ посрѣдѣ его, и не подвижитъ-

ся. Плин'фось: сыне человѣчъ! воз'ми себѣ плин'фось, и положи его прямо себѣ, и напиши в' немъ градъ, и створиши в' немъ огражденіе. Мѣсто: яко страшно мѣсто се; нѣсть се, но домъ Божій, и си врата небесная. И поятъ мя духъ, и слышахъ за собою гласъ труса велика: благословена слава Господня отъ мѣста его. Аще дамъ сонъ очи ма моима, и вѣждоша моима дрѣманіе, и по-кок скраніама моима, дон'дѣже обрящу мѣсто Господеви, селеніе Богу Іаковлю. Руно: снide яко дождь на руно, яко капля каплюющіа на землю. Жена: благословена ты в' женахъ, и благословенъ плодъ утробы твоей. Посла Богъ Сына своего, бывающа отъ жены. Блажена: и блаженца вѣровав'ша, яко будетъ совер'шеніе глаголан'ымъ ей отъ Господа. И блажено чрево носившее тя, и сос'ца та же еси с'салъ. Марія: не бойся, Marie: обрѣте благодать предъ Богомъ; и се зачинеши || во чревѣ, и родиши Сына, и 186. в. наречеши имя ему Іисусъ, и прочая. И кто убо не възнесеть иже на толику высоту възвышеную, яко и Матерь быти Божію, преславнѣйшо во истину и вещь и слышаніе; и ми вѣровав'ше о ней, востепемъ празднику начальствующей, отъ неїже слово маломъ послѣждѣ исшедь, съприяжеть себѣ паки; принеси убо нынѣ, да днесъ пѣснопѣнію коин'ся, и вмалѣ собраная приrek'ши, стремленіемъ слова упокоимъ. Достоиша убо человѣческому естеству, праотчимъ попол'зеніемъ сокрушив'шуся, к' могущому воставити велегласно в'звати: воскую, Господи, далече отстоя? быв'шу же ему отъ Пророкъ плачев'нѣ и умиленѣ зовому: г'дѣ суть, глаголюще, милости твоя дрѣн'я, Господи, имиже клят'ся Давыду во истинѣ твоей? Что убо волитель милости не през'рѣ, не отложи, не в' дол'готу обѣщан'ная прости. Каа же сia. Не имамъ тебе оставити, ниже имамъ тебе отступити? еже и ученикомъ послѣждѣ пришедъ, их'же не отступи, глагола: не оставлю васъ сиры, но пріиду къ вамъ; сие и прежде неизречен'наго человѣчения своего нелож'нѣ Пророкомъ обѣщася. Елма убо сице сia, и уже время приспѣ совер'шился речен'нымъ, зри что творить иже спасеніе || нашему смѣшенню 186. г.

сматряй. Не звѣрьский нѣкій потребова органъ, не иного существа преобрази со судъ, но отъ тогоже кала и отъ тогоже, также кто речеть, смышенія отдѣливъ часть, честенъ себѣ и таковому во истину соединенію храмъ устрои, въ немъ же убо самъ пер'вый и той же архиерей, иже царь, смотрѣливъ о нашемъ священствова еже ко своему Отцу примиреніи, всю нашу нищету пресущественнѣ и по существу отъ человѣческаго естества воспріятъ. Помяну убо свое създание Богъ: създание бо того вси газыци; помяну щедроты своя, еже отъ вѣка, иже вѣкомъ Господь; помяну завѣтъ, иже къ человѣкомъ завѣща; помяну, и помянувъ не закоснѣ, но абіе благодѣяніе на веде. Помяни убо Давыда, и также тому обѣща: пер'вѣе отъ сѣмені его Христа воздвигнути, о немъ же нашего рода падшая сѣни подъ небесемъ наз'да твореніе преслав'но. О преславномъ чудеси сов'несе чудо: цѣломудренѣй Аннѣ многымъ совѣтованіемъ печалью объяты, еще же и супружнику ея гор'цъ скор'бю одер'жиму о бесчадствіи, благодатию обоимъ разрѣши неплодіе Богъ; къ молению тѣхъ преклонъся, дастъ неплоднѣй плодъ, егоже предвосія молитва; и сожител'нику плодъ, егоже възрасти на

дѣждѣ; и цвѣтъ присно цвѣтующъ || исых'шей бес'чадія пламенемъ; и бываетъ плодовита, также первѣе неплодна; и лоза присно цвѣтующа, егоже стебло неувяде. И что сего дѣтотворения будеть честнѣйшее? что же преславнѣйшее, еже эрѣти Матерь Божію разверзающа убо матер'я, нерастлѣнна же та съ хранивъши ложесна, отъ невѣсъян'ныя утробы плодъ чистоты растущій, дѣву отъ неплодныхъ неплодове израсташа? Да что будетъ, да еже оней протекающимъ чудомъ, рожденоеувѣрить намъ, еже пер'вѣе естеству человѣческому невѣдомо бѣ, безъ отчая рожества, кромѣ неизречен'ныхъ болѣзней, естьству паче естьства привнide преестественою силою, иже естьству самодѣтеля въ утробѣ удѣтотворивши, и бысть матери, матер'ихъ не пострадавши; и младенецъ не имаше отца з'вати на земли: яко не ходатайствова съмѧ зачатіе, ниже тли притеѣши рожденія породи. Она же аще и о мпозѣ,

юже и въ неплодствіи предваривъше показанія имѣаше, но всѣмъ предпобѣжающимъ имѣаше судъ. Аще бо и отченачалніи в'купѣ живяху яко куп'нополож'ни, подобнаго и въ лѣпоту чудотворенія сподобиша, разрѣшившися и тѣхъ узамъ неплодства: ей убо священородную сию отроковицю предварити хотяху || родители. Но ови издалеча 187. 6. нѣкако и зѣло издавна божественнымъ смотрѣнемъ чудеси сродное имутъ; ови же послѣдже убо, по в'ремени же и при самомъ кон'ци временъ. Внегда убо и тѣхъ предста дверемъ, иже драг'му царьскую, глаголю же иже по нась возыскавый образъ, да перъсти, в' нейже прежде погребена бѣ, очищеніемъ богочестіемъ примѣсить духъ, и оттуду также въ себе человѣколюбнѣ человѣческое въобразить ество. Что убо пер'сты, еюже иже въ нась благородіе покровено бѣ, или та въ ество о себѣ? Обаче аще и мы не глаголемъ, яко пер'сты ону, отъ неіаже съданіи быхомъ пер'вѣе, обрѣте, и наздани быхомъ, послѣдже раскопавъ съданій нась, искомое кое се образа начaloобразное, еже окайно яко видѣ страст'ми иже по естеству бестраст'ныи, пер'сты, юже во Адамѣ испытавъ, пер'сты же, в' нейже искомое обрѣтесь, земля убо бѣаше, еже по нась подообразнаго телесе имѣя в'мѣщеніе, дѣвъственная пресвятая утроба; сею бо обрѣть бразду, живоначал'ныи нашъ класъ сѣмене кромѣ и невоздѣлан'иѣ прозябъ, паче естества израсте. Се пер'сты, се класъ, се мѣсто зем'ное, в' немъ же новолѣп'не наздани быхомъ, им'же пер'сты наша вообразив'ся, на пер'вое възыде досто|яніе. Видѣли, ели- 187. в. ко Ан'нино рожество обдер'житъ таинства, елико преизящество чудесе, еже о ней преслав'нымъ дѣтотвореніемъ древ'яла неплоды прев'зыде? Такова дѣва отроковице богозван'ная и пренепорочная сіа Марія рожеству сподобиша. И кака въ женахъ другая отъ таковыхъ толицъ славныхъ чудима есть ког'да? Тѣмъ же понеже на толику высоту възнесеся наше немощ'нѣйшее слово, и множае вомѣстити не можетъ, малъмъ устремленіемъ матери радости ту целовав'ше, речемъ, на похвалу убо той радост'ное именуемъ прилаголаніе: . радуйся, благо-

дат'ная! Радуйся, преслав'ная! Радуйся, радиостотвор'ное о всѣхъ спасеніи возложение! Радуйся, златая во истин'ну мысленыхъ араматъ кадил'нице, во нейже мысленый фимианъ положися Христосъ отъ божест'ва и человѣчество во огни божест'венныхъ, одушевленную и мысленную свою плоть, благовониѣ несмѣшну и нераздѣл'ну показа! Радуйся, нерукодѣлан'наа сѣни и богодѣланная, в'юже единю на кон'чину вѣкомъ единъ Богъ и Слово и пер'вый пер'восвящен'никъ в'нide, юже выше всѣхъ в' тебѣ тайно тайную священ'нодѣйствовавъ службу! Радуйся, Святая святыхъ, вторая капетаз'мо, в' 187. г. нейже прече~~ст~~ную Херувимъ осѣпеніе елико и того иже в' незаходимыхъ Господа в ложеснамъ тако завѣсою закрыв'ши, во чревѣ понесла еси! Радуйся, сед'мосвѣтил'ный и седмодатный сед'мыхъ дарованій свѣщниче, седмосвѣтный освѣаемый Духомъ неугасителный свѣте, свѣта всѣхъ просвѣщшаго, еже помаза тайно помазаніа миро! Радуйся, оцистилише, в нем' же тайный агнече, животно всесожженіе, Христосъ възнесеся; боготаинная трапезо, иже ума паче священ'нодѣйствіа, на нейже небесныѣ хлѣбъ Христосъ, иже о всѣхъ агнецъ, тако жер'тва и заколеніе живо закаласмо положися, ожививторяя причащающихъ! Радуйся, всяческая боготаинная служ'бы сокровице, в нем' же Богъ плотю закалается, и освящаеть всяческая, и тайно къ человѣкомъ приходя, сожительствуетъ, и приоб'щается, и тер'пить рукама грѣшныхъ осязоватися, устнама же кал'ными в'кушатися, и в пер'сты плоти нашей изливатися подаваемъ не отыхая! О несказанному изліанию! о благости! тако ради жены сплемен'ныя и сродныа, паче естества и дол'га, Богъ сия намъ даръствова жены, юже убо душев'ная доброта иску<sup>188. 2.</sup>сомъ не искушенная колико изяществова, елико и Христу, самой истинѣ, добротѣ въжделѣти || къ таковой той красотѣ прійти, и еже отъ нея пріати рожденіе безъ отца. Сицево же и телесе той прелѣпотное устройство, и в толику чистоту доспѣв'ши, елико и то самое в'мѣстити бестелесное же и необы-

менное пресущественаго естество величест'во, едино отъ тріехъ тогоже состава. Сіи есть Богонаца Марія общее всѣхъ христіанъ прибѣжище, пер'вое пер'ваго паденія възведеніе ко бестрастию, падшаго рода възв'ваніе, иже въ купинѣ Моисиеви первіе таин'носѣннописан'ное видѣніе; руно Гедеоне, еже онъ образованѣ влажно, отъ иже с небесе безъ шука капль орошено узрѣвъ, и на чудо обративъ дѣло, и знаменіе священ'ное дож'демъ назнамена; богоиспещреная Давыдова багряница, та же плоти пріатіе такоже баг'ряницу Бого-Давыду во-площ'шемуся принесшіа; херувимъскій престолъ превеликий огненій прев'зятый, та же царя Христа въ надрѣ носящіа, превышша небесныхъ дверій, иже не в'ходимыхъ, у них'же Серафими стояху сограждающеся крылы, двѣма убо покрывающе лица, двѣма же ногы, двѣма же летаху, и в'зываху великую, страшную ону пѣснь, неприступ'ная оны славы зрѣти не тер'пяще; дверь небесная, юже небесный Владыка пройде, || ни 188. 6. единому же пер'вѣ того, ниже по немъ еже попусти пройти входъ. Веселися о ней небо: тебе бо подражав'ши, иже тебе невѣмѣстимаго Господа без'стуженіа въмѣстїи. Ликост'вуй тоя ради земле: ибо тоя рождение твое онеботворя видѣніе, небесныи земныя содѣлавши. Да вос'плещеть же и море дѣвъственое чудо: Богъ бо, иже рожество отъ нея пріимъ плотю, водь мокрео существо освяти, крещясь в' водахъ. Вся убо тварь радуется, и да ликоствуетъ, и рукама да плещеть: роди бо ся днесъ юница, отъ нея же спасение и Христосъ, Богъ и Слово, сый и бывый и приходя и пребывая в' вѣкъ, о нем' же и наше, такоже отъ великия дѣвъственныя пучины глаголю, упокоимъ слово Богу \*) Троици, иже въ Отцы и самомъ Сынѣ со Святымъ Духомъ поклоняемому, едину въсылаемъ славу и честь и покланя<sup>188. 2.</sup>ние, нынѣ и в некон'чаемыя вѣкы вѣкомъ. Аминь.

**В' ТОЙ ЖЕ ДЕНЬ, иже въ святыхъ отца нашего Иоанна прозву-**

\*) Слово «Богу» приписано на полѣ.

**тера Дамаскина слово на Рождество святая Богородица.**

**П**риидѣте вси гзыци, всякъ родъ чловѣчъ и гзыкъ, и възрастъ в'сакъ, и всяко достоинство, со веселіемъ всемирнаго веселія рожество празднуемъ. Аще бо и еллинствіи отроцы, бѣсомъ ложными блядми, украдающими умъ и сосѣ-  
188. в. няющими истину, и царскыемъ || рожденіемъ и всякиа изводять похвалы, даръ каждо принося елико по силѣ, и сіа припѣвающи истину и царьскимъ рожденіемъ всякиа изводять похвалы: колико паче намъ достоитъ почитати Богородица рожество, еже ради в'сакъ земный исправися родъ и праматер'я печаль в радость преложися. Она убо: в' нечали родиши чада, отречение Божие слыша; сіа же: радуйся обрадованная! Она: к' мужю твоему возвращеніе твое; сіа: Господь с тобою! Что убо матере слово, но слово принесемъ? всяко създаніе да срищется и воспоетъ священныя Анны священное рожество: роди бо мирови сокровище не отъемлемо; тоя бо ради Соз'датель всяко естество на лучшее претвори посреди человѣчества. Аще бо человѣкъ посреди ума и вещи составленъ, сей связанъ есть всякий видимый же твари соединися Создатель Слово Божие естьству человѣчества ради тоя, всякому естьству соединися. Празднуемъ раздрѣшеніе человѣческаго неплодства, тако разрѣшился отъ насъ всякого благо слѣпота. Но чесого ради отъ неплодове дѣвая мати ражается? подобаетъ бо точю новая подъ солнцемъ чудесъ главизна предити чудесь, и по малу отъ смиреннѣйшихъ  
188. г. в'зыти на лу|чаша. Имамъ и другое слово высочайшее и божественѣйшее: ибо естьство побѣждается благодатю, и стоять съ трепетомъ предъйти не терпящее. Понеже убо хотяще Богородица Марія отъ Анны родится, нѣ дерзну естьство предварити благодати отрасль, но пребысть бесѣлодно, дондеже благодати плодъ израсте, достояще бо пер'вородной родится хотящей пер'венца всякой твари, о нем' же вся состоятся. О блаженнаа двоица, Іоакимъ и Анна! покорися вама всяко естьство: ваю бо ради произиде даръ всепреестественъ, мати чистаа,

единъ достойная создавшему. О бока Іоакимова преблаженая, отъ неїже излияся сѣмя преблаженное! о утроба Анны приснопамят'я, въ нейже помалу отъ нея приложеніе възрасте, и въображъся родися младенецъ пресвяты! о чрево, небо въ себѣ рождъжее одушевленное, небесныи широты пространнѣйшее! о гумно изнесшее куп'но животвор'наго жита, та же самъ Христосъ изъгви: аще зерно ищеничное падъ в' земли не умреть, то едино пребудеть! о сесца, воздоившя питаящую питателя миру! о чудѣсть чудеса и преславныхъ преславная! достояще Божіаго иезиреченаго въхоженія воплощеніе предварити чудеса. Но 189. а. како изреци дерзну? мысль моя ужасается; страхъ же мя и желаніе раздѣляютъ, сердце подвизается, гзыкъ связуется; не могу удер'жати сладость, побѣждаючи чудесы и иступаю умомъ; побѣжаетъ мя желаніе. Прочее да отступить страхъ, да поють гусли духов'ныя. Да възвеселятся небеса и радуется земля: днесъ неплодная врата отверзаются и дверь дѣвическая божественая происходитъ, отъ неїже и ея же ради Богъ иже всѣхъ сущихъ превыше во вселенную телеснѣ внидеть, по Павлу, неизреченныхъ слышателю; днесъ ис корене Іосеева жезль израсте, отъ него же мирови цвѣтъ изыдетъ богосоставленъ. Днесъ отъ земного естество небосозданія земли, іже древле иногда отъ воды водрузи на высоту, возвыси твердь, и во истину сице онаго много божественѣйше и преславно: иже бо на ономъ соз'давый солнце, отъ сия праведное въсия солнце, дѣвѣ естествѣ, аще и безъглавніи неистовятся; единъ составъ, аще и Несторій рас'єцасть: свѣтъ бо присносущный, иже отъ присносущнаго свѣта превѣчное имѧ бытіе и невеществено и бестелесно, отъ сея воплощается, и та же женихъ отъ чертога происходитъ; и Богъ сый земленъ || бысть послѣдне; та же исполнъ 189. б. текий в' путь, наше обрадова естьство и ради страстей прииде на смерть, и связа крѣп'аго, и сосуды его расхити, наше естество на небо отъ земля възнесе, заблуждшее овча. Днесъ древодѣли сынъ всехитро Слово, иже съ собою вся создавый, десница

крѣп'ка Выш'яго, также своимъ пер'стомъ, Духомъ, притуплену теслу обостривъ естьства, содѣла собѣ одушевленую лѣствицу, егоже нозѣ на земли утвѣрди, главу же на самомъ небеси, на нейже Богъ почиваетъ, егоже образъ Іаковъ видѣ, по нейже снide не шест'венъ, паче же снide на земли гавлейся и со человѣкы поживе. сия бо исхожденіа сходитено смиреніе, еже на земли пожитіе, иже на земли даное ему познаніе, на земли мысленая лѣствица дѣвяя утвѣрдися, отъ земля бо имать рожденіе, главу же к' небесъмъ: всякой бо жѣнѣ глава мужъ. Но сia понеже мужа не позна, глава ей Богъ и Отець бысть, Духомъ Святымъ смѣшеніе створивъ; таково же бѣ божественое сѣмя духовно, такова и своего Сына и Слова, всесилную силу посла: благоволеніемъ бо Отца, а не отъ сътраніа естьст'внаго, но отъ Духа Святаго и Марія Дѣвы преестественое Слово плоть

189. в. непрелож'на бысть и вселися || в ны; сътраніе Божіе ко человѣкомъ ради Святаго Духа бываетъ. В'мѣщай да въмѣстить, имѣя уши слышати, да слышить! въ телесныхъ быхомъ бестрастно божественое, о человѣцы, и бестрастнѣ родивый первіе естьственъ, бестрастно тогоже сына ражаетъ, и второе смотрител'нѣ; и свѣдитель Давыдъ богоотецъ: Господь рече ко мнѣ: Сынъ мой ты, азъ диесть родих' тя. А еже диесть о превѣчнemъ рожествѣ въмѣщеніа не имать онаго безлѣтно. Диесть также ко востокомъ уготавляется дверь, егоже ради Христосъ внидетъ, и будеть затворена; дверь, в' нейже Христость, дверь овпамъ, Востокъ имя ему, им'же къ пер'вому свѣту начал'но му Отцу приведеніе имамы. Диесть възвѣша вѣтри, радости в'селеньскія благовѣстници. Да възвеселится небо свыше и возвращается земля; да подвижится мир'ское море, в' нем'же омиди съсудъ ражается, таже съ небеси отъ молнія божества пріиметъ во чревѣ и родить многоцѣн'ный бисеръ Христа, отъ нейже Царь славы во плотьскую багряницу оболк'яся, плѣненъмъ пришедъ проповѣда отпущеніе. Да играеть естьство: ибо юница ражается, отъ исяже паstryръ оболк'яся во овча и одежду раздра древ'я-

го умер'ївленіа. Да играеть дѣвство: та-  
родися таже, по Исаи, Дѣвяя, таже во чре-  
вѣ пріиметъ и родить || Сына, и нарекутъ  
имя ему Ем'мануилъ, си речь: с нами Богъ.<sup>189. г.</sup>  
Ни Ангель, ни ходатай, но самъ Господь  
приидетъ и спасеть насъ. Благословенъ при-  
ходяй Богъ, и Господь гавися намъ. Соста-  
вимъ праздникъ о рожествѣ Богородица.  
Радуйся, Анно, неплоды не раждающіа;  
раз'торг'ни и вѣз'пи не болѣвшія. Веселися  
Іоакиме: та-ко отъ твоєя дщере отроча ро-  
дися намъ и дасться намъ, и нарицается  
имя его велика свѣта, всемир'наго спасеніа,  
Ангель, Богъ крѣпокъ. Да постыдитъся  
Несторіе, и да полагаетъ руку па устѣхъ:  
отроча Богъ, и како не Богородице рожде-  
ши? аще кто не исповѣдаеть святую Бого-  
родицю дѣву, чюждъ Божества да будетъ.  
Не мое слово и мое слово: жребій бо  
сый отъ отца Григорія Богослова бого-  
словеснѣшаго наслѣдовахъ. О блажен'-  
ная супруга, Іоакимъ и Анна, и во истин'ну пречестна! отъ чрева бо вашего по-  
знана бысть, та-ко же рече нѣг'де Господь:  
отъ плодъ ихъ познайте ихъ. Благоугодни  
Богови и подобнѣ иже отъ васъ рожьшой-  
ся пожиста, целомудренѣ бо и преподобнѣ  
живуща, дѣвства сокровище произнесоста,  
иже прежде рожства Дѣву, и в рожествѣ  
Дѣву, и по рожест'вѣ Дѣвую, едину и умомъ  
и душою и тѣломъ приснодѣвьствующу! До-  
стояше бо иже отъ цѣломудрія дѣвству  
взрастъшому, единъ единородный произвѣ-  
сти свѣть телеснъ, благово||леніемъ иже <sup>190. в.</sup>  
бестелеснъ рожьшаго, а не рожьшася,  
присно же суща, сице раждаетъ составнымъ  
точию свойствомъ. О колыхъ чюдесъ, и  
каковыхъ премѣненій сia дщи дѣлател'ница  
бысть! неплодст'ва рожденіе, дѣвству ро-  
женіе, смѣшеніе божества же и человѣчества,  
страсти бест'растіа, живота и смерти; та-ко  
побѣдися горшему луч'шимъ, и сиа всязамое  
спасеніе, о Владыко! сице бо мя възлюби,  
тако ниже Ангеломъ и ниже инѣмъ чимъ,  
сие содѣлати отъ твари потребова; но та-ко  
же пер'возданныя, сице самодѣтельне мене  
наздалъ еси. Отсюду ликост'вую и скакаю  
и радуюся и ко источнику пакы чудесе вос-  
текаю; и веселия упився струями, цев'нице

паки ударяю духовыную, и божественную пою  
шъснь рожеству. О супруже словесныхъ  
гор'лиць, Иоакимъ и Анна, целомудренъши!  
вы естество по закону целомудрнѣ соблюде-  
ше, пачеестественъмъ сподобистеся: породи-  
стите бо мирови Божію Матерь неискусо-  
муж'ную; вы благочестно и преподобно во  
человѣчествемъ естество пожив'ше, паче Ан-  
гель и Ангелы обладающую нынѣ д'щерь  
породисте. О дщери краснѣйшая и слад-  
чайша! о крише, посреди тер'ния израсть-  
шіа отъ благороднѣйшаго и царьского корене-

190. 6. Давида! то||бою священничествомъ царство  
обогатися; тобою закону преложеніе бысть,  
и откровенъ бысть иже подъ писменемъ  
сокровеный духъ, преложену отъ лев'гитъ-  
ского племене на Давыдскій священному  
сану. О цвѣте, отъ терніа Іудейскаго изра-  
стый и благоуханіа божественаго исполнъ  
всяческая! О дщи Адамля и Мати Божія!  
Блаженное чрево и чресла, отъ них' же из-  
расте! Блаженъ на объятіа, та же тебѣ поно-  
сившіа, и устнѣ, та же честиаго твоего це-  
лованіа наслаж'ышеися! Днесъ миръскаго  
спасеніа начало. Воспойте Господеви в'ся  
земля; воспойте и радуйтесь и пойте; воз-  
носите гласъ свой; вознесете и не бойтесь:  
тако родися вамъ Мати Божія, отъ неяже  
родитися благоизволи Агнецъ Божій, в'зем-  
ляй грѣхи миру. Играйте горы, словесное  
естьство, к' высотѣ духов'наго видѣніа в'зи-  
рающе: и гора Господня явственная разж-  
дается, превъз'шедшиа и възв'ысившася  
паче всѣхъ хол'мовъ и горъ, человѣческия  
и ангельскія высоты, отъ неяже кромѣ  
рукъ телеснѣ отсѣщися благоволи крае-  
угол'ный камень Христось, единъ составъ,  
растоящаясѧ совокупивый, божество же и  
человѣчество и та же отъ языка и плотъскаго  
Ізраїля; гора усыренная, гора тучная,  
190. в. || гора, юже благоволи Богъ жити въ ней,  
т'мами темъ колесница божественая, боже-  
ственную губзующе благодать, Херувимъ,  
глаголю, и Серафимъ; крайня и святѣйшая,  
юже не дымъ, не мракъ, не пламень, не  
огнь погадая покрываетъ, но просвѣтител'но  
Духа Святаго сіаніе. Тамо убо Божіе Сло-  
во на скрижалехъ камен'ыхъ законъ напи-  
са, такоже пер'стомъ, Духомъ: въ сей же

отъ Духа Святаго и отъ тоя кровей самъ  
Слово въплотися, и себе дасть нашему  
естьству спасеніа скорѣйшую лѣч'бу. Тамо  
ман'на: въ сей же Владычици иже ман'ную  
давай сладость. Да поклонится сѣнь обе-  
мателная, юже в' пустыни Моисей содѣла  
отъ многочестныхъ и всяческихъ вещей, и  
также прежде сіа отца Авраама одушевлен'-  
ній и словеснѣй сѣни Божіи: бо не дѣйства  
Божіаго бысть пріятница, но существеному  
Сына Божія составу. Да познается без  
рас'суждения и иже прежде сія ков'чегъ,  
всюду златомъ окован'ній, и ман'ну нося-  
щіа руч'ка златая, и трапеза, и вся древ-  
ня: ибо сія образъ почтеся, та же истин'-  
ну паче пер'вообразныхъ сѣней. Днесъ сви-  
токъ новъ иже вся творяй содѣла Богъ  
Слово, егоже отъ сердца Отець отригну  
языкомъ Божіимъ, та же тростію, Духомъ  
написанъ, иже дасться мужю в'ѣдущему 190. г.  
писаніа, и не прочте: не бо позна Марию  
Іосифъ, ниже паки сего таинства силу.  
О дщи Иоакимова и Анны священикъшихъ,  
утаившия началь и властей и раждизаемыхъ  
стрѣль лукаваго, въ чер'тозѣ духовнѣмъ  
пожив'ша, и съблюдена непорочна  
въ уневѣщение Богу, и мати иже по есте-  
ству Сыну Божію! О дщи священная, иже  
и еще матер'нimi руками носима, страшна  
отступнымъ всѣмъ силамъ! О дщи освящен'-  
ная, та же отъ сосца млекомъ питаема и  
Ангель выш'ша! О дщи священ'наа, роди-  
тел'ная слово! тебе родове родовъ слав-  
ять, та же предрекла еси истинъствовав-  
ши. О дщи достойная, доброто человѣческа-  
го естьства, пррабы Еввы исправленіе! ради  
бо твоего чародія падшиа исправися  
женъская красота. Аще бо и первая Евва  
во преступлениѣ бысть, и тоя ради смерть  
в'нide послужив'шимъ совѣтомъ зміевомъ  
праотцю: но Maria послужив'ши Божію со-  
вѣту, прельстившаго зміа прельсти, и въ  
миръ нетлѣніе в'нide. О дщи приснодѣво,  
иже мужа не потребовавши къ зачатію!  
имать бо Отца присносущна иже отъ тебе  
родившися. О дщи земнородная, богородны-  
ми объятіа Создателя понесшиа! Недоумѣ-  
јуть вѣли, || кое хваленіе принести твоему 191. а.  
роженію; но разрѣщаеть вѣкомъ недоумѣніе

преднареченыи съвѣтъ Божій, иже и вѣкы сътворшій, и быша послѣдняя пер'ва твоимъ облаухав'шеся рожествомъ. Во истину пречестна всея твари бысть: отъ тебе бо единыя Содѣтель исполненіе пріатъ началу нашего смѣщенія, плоть его отъ плоти твоей, и кровь его отъ кровій твоихъ, и млеко сосесь твоихъ с'са Богъ, и соединиша устнъ твои Божіумъ устнамъ. О непостижимое и несказан'ное вещей! тебе провѣдый всѣхъ Богъ достойну възлюби, и възлюбивъ преднарече, и на послѣдокъ лѣтомъ во еже быти приведе, и Богородицу матерь и піател'ницю своему Сыну Слову показа. Спротив'ная убо, рѣша, спротив'ными цѣли-  
тися; но не отъ спротивныхъ супротивная, аще и супротивнѣ коеждо обучевати: выше бо человѣчества божественое; такоже бо въмѣсто добра гдѣствуеми смерти, по премногу прегрѣшень грѣхъ бысть: тако иже благымъ виновный сотвори излиха дѣйствуемъ правдѣ, праведна бысть прав'да; идѣже убо умножися грѣхъ, преизобилова благодать. Аще бо пер'вое еже къ Богу сохранили быхомъ приобщеніе, не быхомъ луч-

шому и преславнѣшему сподобилися не сохран'ше еже приахомъ. Елма же ради грѣха приопиценіе погубихомъ, Божиемъ же милосердиемъ помилованы быхомъ, тако да твер'до будеть приобщеніе: силенъ бо есть еже пріатъ пріемъю сохранити соединеніе неоттор'жено. Понеже бо соблудивши заблуди земля вся, и людіе Господни духомъ блуда заблудиша отъ Господа Бога ихъ, создав'шаго ихъ рукою крѣп'кою и мыш'цею высокою, извед'шему знаменіи чудесы отъ дома работы Фараона, и провед'шему сквози Чер'мное море, и наставльша облакомъ во дне и всю нощъ просвѣщеніемъ огня, и обратися сердце ихъ во Египетъ, и быша людіе Господни не людие ли его, и помилованы не помилованы, възлюблены не възлюблены: сего ради нынѣ Дѣва ражается, прародител'наго грѣха потребител'ница, и сама Богови обручается, и ражаетъ божественную милость; и людіе Божіи, иже пер'вие не людіе, бывають, и не помилован'ніи помилованіе приемлють, и не възлюблены възлюблены бывають: отъ сея бо

родися Сынъ Божій возлюбленыи, егоже изволи. Лоза благоплодна отъ Анны возрасте и гроздъ сладчайшій процвѣте, пиво божественое точащи въ животъ вѣчный. Іоакимъ и Анна съяша себѣ въ правду, и пожаши плодъ жизни; просвѣтиша себе свѣтъ разума и Господа възыскаша, и пріиде тѣмъ плодъ правды. Да дерзаетъ земля, и чада Сиона да радуются о Господи Бозѣ ихъ: яко израсте пустыня, и неплодная пріесе плодъ свой; Іоакимъ и Анна, яко горы мысленія, сладость укануша. Радуйся, Анно блаженная! яко породи женскій полъ: сій бо женскій полъ Мати Богу бысть, дверь свѣта, источникъ жизни, и женскій разрѣши грѣхъ; си же лица богатія помолятся; сей женѣ и царисъзыкъ поклоняется, принес'ше дары; сія жена прінесетъ Богу всѣхъ царю, яко риза золата, въ добродѣтелей одѣсанна благолѣпіе и украшена Духа благодатьми, ейже слава внутрь уду; слава бо всякой женѣ мужъ, отвѣти приходя: слава же Богородици внутрепій чрева плодъ. О жено вожделен'я и треблажен'я! благословена ты въ женахъ, и благословенъ плодъ чрева твоего! О дци царева и матери, дци царя Давида, и матери всѣхъ царя и Бога! О блажен'ое тѣло, о нем'же содѣтель возвеселися Богъ! умъ убо имъя благоокормляеть и точю Богу внемлющъ, желаніе все протяг'ши къ сущему желанию же и досторачител'ному, яростъ на грѣхъ токмо и на сій подвижющаго, жизнь естьства лучшія, живеши бо не себѣ: ни бо себе ради родила еси. Тѣм'же имаши Бога, им'же въ миръ приведена бысть, да всему мир'ному послужиши спасенію, яко да древній совѣтъ Божій Слова воплощеніе и нашего обоженія, тобою исполнится желаніе, божественными словесы питающи и сими спѣющице, яко маслина плодовита въ дому Божіи, яко древо насажден'но прі исходищихъ водѣ Духа, яко древо живот'но, еже плодъ свой дасть въ уречен'ое время, отъ Бога Бога воплощенна, вѣчную всяческихъ жизнь; всяко помышленіе питател'но и душю пол'зывающее привлачющи, и все пепотребно и душев'ред'ное прежде вкушеніе отрѣвающи; очи всегда къ Богу, зрящи свѣтъ непри-

ступ'ный; уши, Божіа послущаща слова и радующеся гусли духовній, имиже Слово вніде въплющшееся; ноздри, воня міра же-нихова наслажающиша, иже есть миро божественое, волею истощаемое и мажущее свое человѣчество: миро бо пзліанно имя твое, рече Писаніе; устнѣ, хваляще Господа и къ своимъ привлачащи того устнамъ; газыкъ же и гор'танъ, словеса Божіа рассу-жающаа и божественную сладость множашаа; сердце чисто и неск'вер'нено, зряще и желающее Бога невидимаго; чрево, в нем'-

192. а. же нев'мъ||стімый поживе, и сос'ци млека, отъ них' же воспитася отрока Іисусъ; дверь Божіа приснодѣвъствующа же; руци, Бога носящіа, и голени престола херувимскаго выш'ши, имиже укрѣпишася руцѣ преста-рѣвшися, листа ослабленaa; ногы, яко свѣ-щ'ници свѣта, по Божественному ходяща за-кону и во слѣдъ его невъзв'ратнѣ текуша, дон'дже желающую къ желаемому привле-коша. Вся чер'тогъ Духа; всякъ градъ Божій, юже веселять устремленіа рѣчная; вся доб'ра, вся близъ Бога: сия бо пре-възшедше Херувими и паче Серафимъ воз-нес'шия, близъ Бога бысть. О чудо всѣхъ чудесъ пречуднее! жена превыше Сера-фимъ бысть, яко Богъ явися малымъ чимъ отъ Ангель умалень. Да умол'кнетъ Соло-монъ премудрый, и да не глаголеть: ничто-же ново подъ солнцемъ. О Дѣво Богоблаго-датная, церкви Божіи святая, юже духов-ный Соломонъ мпронаchal'nyй содѣявъ и пожить, не златомъ, ниже каменіемъ без'-душнымъ украшена, но въ злато мѣсто сия-ющіи духомъ, в'мѣсто же каменій чест-ныхъ им'я мноц'н'аго блсера Христа, углія божественаго, егоже коснутися и на-шимъ устнамъ умоли, яко да оцищени, того съ Отцемъ воспоемъ, възывающе: Святы, Святы, Святы Господь Саваоѳъ, едино есте-

192. б. ство Божества во тріехъ || составѣхъ! Святы Богъ Отецъ, благоволивый в' тебѣ и отъ тебе совер'шился, еже пронарече, превѣч-ное таинство. Святый крѣпкій, Сынъ Божій и Богъ единород'nyй, и тебе единородну произведъ отъ неплодныя матері днесъ, яко да единороденъ сый отъ Отца и пръвенецъ всей твари, единороденъ родитися отъ тебе

Дѣвоматере, пер'вороденъ во мноз'й бра-тии, подобенъ намъ, отъ тебе причащаща плоти и крове; но не отъ единого отца или отъ единоя матері произыде, да единород-ному сохраниится еже въ всемъ единород-ное: той бо единъ отъ единаго Отца единороденъ, и единъ отъ единоя матери. Свѧть бесмертный, Пресвятый Духъ, иже росою своего божества и божественаго огня тебе сохрани невредну: се бо и Мочиова про-образаше купина. Радуйся, овчій Божіа Матере священный доме! Радуйся, овча Іаковлихъ овець древняя оградо, нынѣ же словеснаго Христова стада небоподражательна церкви! яже иногда убо единою лѣта пріемлющи Божіа Ангела, купель въз'мущенаго, и единого зд'рава творяща и одер'-жашаго изменяющи недуга, нынѣ же множество небесныхъ силъ имуща поющихъ с нами Богоматере, чудесемъ сущю бездну, источникъ всемирного исцеленіа, не слугу пріем'шаго Ангела, но великаго со||вѣта, 192. в. якоже на руку без' щюка сопшедшаго дож'дя благодати, и всяко естество недугующее и во тлю преклонышееся ко здравію без' болез-неному и къ жизни нестарѣющеї исправль-шаго; тѣм' же иже в' тебѣ раз'слabenый яко левъ въскочи. Радуйся, овча купели честнѣйшая! множить бо ся твоя благодать. Радуйся, Маріе, слад'чайшіа Аннина д'щи!

к тебѣ бо паки иже желаніе привлакит' мя. Како изоображеню честное твое хожение? како красоту? како лица твоего радостное, стар'ческое мудрованіе въ уност'номъ тѣле, одѣждыную красоту, всего вредящаго и мяг'-кости отбѣганіе? каменю честный и несум-н'nyй и презрѣніа свободный; обычаю сладкий, с кротостю смѣшненый: и свидѣтель страхъ случивыйся не обычнаго Ангела провѣщаніемъ; родителемъ покор'на и по-слушлива; мудрованіемъ смиренна въ видѣ-ніихъ высокыхъ; слово кротко, отъ несмут'-ны душа произносимо. И что иначе реку, раз'вѣ Божіе пріателище? Тебе достойно вси роди блажать, яко из'ран'ную славу человѣчества; ты священ'никомъ похвала, царемъ утвер'женіе, христіаномъ надежа, дѣвства плодоносный садъ: тебе бо ради доброта дѣвства прострется. Благословена

192. г. ты в' женахъ, и bla|гословень плодъ чрева твоего! исповѣдающіи тя Богородицу bla|гословени, и отмѣтающеи прокляти! О священная двоице, Іоакимъ и Анна! пріимета отъ мене слово се еже о рождествѣ. О дци Іоакима и Анны, Владычице! пріими слово раба грѣшнаго, также отъ рожденія желающаго и вѣрующаго, тебе едину стяжавшаго радость и надежду, житію предъстарател'ницу и къ твоему Сыну премънител'ницу, и спасенія обручение крѣпкое, и грѣховному расточенію бременю. И покрывающаго мене облака, и мишел'ному отгнаніе дебельству, и утѣшеніе искушаемъ, и окор'мленіе подабающее житію, и къ гор'нему руковождение блаженству; и мирови даруй умиреніе, и всѣмъ иже здѣ градьскимъ жителемъ, зде живущимъ благоговѣйнымъ м'нихомъ, всесовер'шеное веселіе и спасеніе вѣчное, мол'бами тебе рожденіихъ и всего церков'наго исполненія. Будеть, будеть! Радуйся благодатная, Господь с тобою! Благословена ты в' женахъ, и благословенъ плодъ чрева твоего, Христостъ Богъ нашъ, ему же слава и держава со Отцемъ и Святымъ Духомъ, в непроходимыя вѣки вѣкомъ. Аминь.

**В ТЪЙ ЖЕ ДЕНЬ, Іоанна архіепископа Константинаграда Златоустаго слово похвал'но на рождество пресвятая и славныя Владычица нашей Богородица и приснодѣвы Марія. Благослови отче!**

193. а. || **С**вѣтлыи день днесъ и чуденъ предо очесы нашими: днесъ мати живота нашего из ложеснъ изыде, сущіа во истину мати свѣту. Евга убо дрѣвле наречена бысть жизнь, но вина смерти бысть: Дѣва же и мати свѣта, дверь небеснаа; днесъ родися намъ носящия написанія жизни, етаже разрушено бысть препрѣгражденіе оградѣ, явлен'наа и честнѣйши многоочьскихъ шестокрилатыхъ, в'торое небо на земли, ходатаица смиренія Божія и человѣча, градъ великаго царя, дверь райская, стол'пъ Іаковъ; днесъ родися намъ вмѣщ'ша вѣчный и небесный царь, также блажать вси роди родъ, неразрушимая церкви Божія, вѣчная пища райская, дре-

во животное, райское сажденіе прі исходящихъ водъ и источника духа жизни, вторая скрина закон'ная, из неїже прозябе намъ виноградъ, животный источникъ, купина имущіа жизнь, огнь божественый и неопалимая. Пріидѣте убо, братіе всѣ в'купѣ, мужи и жены, стар'ци і юноша, цари и князи, богатіи и убозіи, раби, свободніи, священники, церков'ници и чинъ чер'неческій, и весь родъ человѣчъ, уповающеи на Христа, да поклоним'ся смиреніи, искрени, отмыв'ши всяку лесть: всѣхъ бо изрядно веселить насташій сій день рожественій; роди бо ся 193. намъ днесъ, еюже ожитъ умерыщеній родъ грѣхомъ; днесъ бо родися намъ ходатаица и смиреніе съ Богомъ; днесъ родя намъ, еюже одѣся Богъ в нашу плоть; днесъ родися намъ радость и веселіе неизречен'но. То уже, братіе, празнуемъ чистыми сердци, срищающеи въ церковь ea, радующеи душовнѣ. И Евва убо создана бывши, подъ клятвою бысть: Марія родися, и благословеніе всѣмъ бысть. Евва создана бысть, и рай затворенъ бысть: святая Дѣва родися, и всѣмъ рай и пища отверьста бысть. И Евва създана бысть, и изг'нанъ бысть Adamъ из рая: святая же Дѣва родися, и внide разбойникъ в рай. Тѣм' же и Гаврииль вспаше к ней, глаголя: радуйся, благодатная Марія, Господь с тобою! Радуйся, Мати Божія безмужнаа! Радуйся, Маріе Богородице, небесъ и земли, едино совер'шено жилище! Радуйся, Маріе Богородице, еюже людіе съдящіи въ т'мѣ видѣша свѣть велий! Радуйся, Маріе Богородице, еюже клятва разрушена бысть Еввы! Радуйся, Маріе Богородице, еюже отверзенъ бысть рай пища; Радуйся, Маріе Богородице, еюже лесть упражнена бысть, и смерть разрушена, и врагъ связанъ! Радуйся, Маріе Богородице, Господь с тобою! Сим' же сице сущимъ, родися намъ святилище, основан'ное въ Святая святыхъ, еюже да сподоблени будемъ небесному царь-193. ||ствію, благодатю и человѣколюбіемъ Господа нашего Іисуса Христа, ему же слава и честь и покланяніе со Отцемъ и Пресвятымъ и благимъ и животворящимъ ти Духомъ, и нынѣ и присно и в вѣки вѣкомъ. Аминь.

**В' ТОЙ ЖЕ ДЕНЬ,** Григоріа ино-  
ка и презвитера слово на всечест-  
ное рожество пресвятыя Влады-  
чица нашея Богородица. Благослови  
отче!

**Л**а предназначаетъ настоящему торжеству Давидъ Богоотецъ, созывая тварь в'сю к веселію; и да играеть ударяя в' гусли: се бо кивотъ происходить упокоенія Божія и престоль готовится хотяй подъати царя Ізраїлева; и да поеть, псаломскія воздвижа гласы: слыши, д'ши, и виждъ, и приклони ухо твое, и забуди люди твоя и домъ отца твоего, и вожделѣть царь добротѣ твоей! Да радует же ся Іоакимъ и Анна: яко родиша намъ хотящую паче слова Зижителя ражати, хотящую бывати человѣкомъ къ Богу залогъ, хотящую Бога къ человѣкомъ примирити; яко израстиша намъ отъ неплодныхъ боку живоносную вѣтвь; тако прозябоша намъ отъ сухаго корене садъ богодан'ный, хотящій плодоносити миръ Ізраїлю и спасеніе газыкомъ! Да веселит'ся и пер'вый онъ человѣкъ Адамъ: яко родися того ввuka, упразнити хотящаа пламен'ное оружие; не ктому стреци врата Едему, || не к'тому затворена тому будуть врата райскаа вожделѣн'наго оного и божественаго жилища; не к'тому змій тамо позавидѣвый ангельской и оной и бессмертной жиз'ни; не к'тому листвіе смоков'ное преступленія опоясанія нелѣшое; и не к'тому терніе и волчъца осужена будеть тому приносити зем'ля, ниже проклята быти в дѣлехъ его, или в' потѣ лица твоего снѣдати хлѣбъ; и не услышить прочее, тако земля еси и в' землю пойдеши! В'ся бо сіа на благо преложи рождешаися всецарица: рай отвер'зе, змія прогна, одежду разд'ра преступленія, терніа и волчъца искорени, кляту потреби, благословеніе распостретъ, хлѣбъ небесный Христа предложи, отъ не-  
гоже гадушеи не умираемъ и не в' землю отходити, но на (не)бо преселятися устрои; и просто всякой твари радость возвѣщаетъ своимъ рожествомъ Богоотроковица. Да сра-  
дуются Іоакиму колѣна Ізраїлева: яко по-  
роди д'щерь, хотящую избавленіе родити дому Іаковлю! И Аннѣ да сликоствуютъ матеря: яко достоинъ питател'ницу жизни на-

шея! Блаженъ в родитехъ онъ, и во племени Йудовѣ свѣтлейши! Блажена и ты в' матерехъ, Богомудраа Анно, и плодъ чрева твоего благословенъ! приз'рѣ Господь на смирѣніе ваше, и на сѣтованіе ваше || уми- 194. а.  
лиса, и молитвы услыша, отъять поношеніе бесчадія, в ризу веселія облече благочадіемъ, свѣтлится сотори и проявляти, а не крыти и плакати, красящимъся ко храму приходити и дары приносити, а не възвѣщатися с дары болѣзпеною душою и лица стыдѣніемъ: дарь бо принесосте Господеви небесь высочайше и самѣхъ Ангель безъ рас'сужденія святѣши; паче всѣхъ человѣкъ ублажистесь, паче всѣхъ колѣнъ благословистесь, паче патріархъ и Пророкъ възвѣличистесь: отъ родовъ бо пронаречен'ной, отъ Пророкъ провъзвѣщен'ной родителе бысте всебогатіи, в няже вселит'ся Богъ, расточеная собрати Ізраїлева и страстью обет'шавшаша обновити человѣчество. И понеже пріатилице хотяще бывати Божест'ва приснодѣвы Mariя, отъ начала и свыше божественія Пророци, овы убо образы, овы глаголы сю прорекоща. Есть же и отъ патріархъ и отъ праведныхъ, иже гадан'ми сю преднаписаша: тако бо достояще селенію цареву предвѣзвѣщену быти. Ноевъ бо онъ ков'чегъ, сохранивый сѣмя в'торому миру отъ всерод'наго потопа оного, сию образоваше: спасе бо отъ потопа душевнаго не останокъ роду малъ, но всю вселеную. Но и сѣнь Авраамова сю сѣнописааше, гавляюще, яко на послѣд'няя времена отъ сѣмене || его воплотився Богъ, со человѣки 194. б.  
поживеть. Что же ли лѣствица она навѣта братняго бѣжашу Іакову во Хараонѣ гавльшиася, на нейже Господь утверждашаися и Ангели Божіи восхождааху и нисходидааху по ней? Что бо невѣз' можно Богу? р'ци ми; или которое мѣсто не исполн'яеть того владычество? но на вер'си лѣствици утвер'жатися. Или Ангеломъ которая тягота тѣла и дебельства, еже рукама въспріиматися по лѣствици, ногама же восхождати? Онъ убо вездѣ сый и вся исполн'я, непостижимъ же и не описуемъ; они же нетрудно естьство и бестѣлеснѣ сущеи, помысла скрѣйше. Но и таковыми образомъ назнаменование видѣ-

ніе, *тако из нея явится Богъ чловѣкомъ и вознесетъ чловѣчество; *такоже бы глаголаль Богъ к' нему: ты убо бѣгаши брата своего, *тако да во простотѣ твоей неправедную пріимеша праведнаго Авеля смерть: азъ же не ток'мо того руки избавлю тя, и имѣніемъ многымъ обогашю тя, и овѣць и прочихъ скотъ стада приложю; но и землю спю, на нейже спиши, тебѣ дамъ ю и сѣмени твоему по тебѣ; и еже величайше: *тако азъ Богъ сый Абраамовъ и Богъ Исааковъ отецъ твоихъ, отъ твоихъ чресль плодъ || воспріму, испол'няя обѣтованіа, еже къ отцемъ твоимъ и к тебѣ; и не к'тому небо особъ, и земля особъ, посреди же средостѣніе, егоже зизда преступленіе, но уже обоя едино будеть, существенъ раздѣляюще, и чловѣкомъ, *тако Ангеломъ Божіимъ, невозб'раніе будеть небесный восходъ; ниже паки Ангеломъ на землю, *тако чловѣкомъ, ни исходъ. Ел'ма же рече нааувѣрити достояніе образомъ нѣкынъ, *тако да не продол'женіе лѣто толикое, или заб'венію предасть, или неистин'я глаголан'я непыщевати сотворить, борит'ся с нимъ чресль всю ону ноюща да заутра \*), и побѣждаетъ, и всѣмъ чловѣколюбіе бывающее являя и божественную силу: побѣждати бо хотяще премногото благостию грѣхи чловѣческыя, плоть бывъ, и по всему, кромѣ грѣха, намъ подобенъ. Но и многій онъ во страданіяхъ и множайшій онъ в побѣдахъ Иовъ прозрѣ душевными очима, *тако видимъ будеть невидимый Божества естьствомъ, глаголаше: слухомъ убо слышахъ тя первіе, нынѣ же око мое видѣ тя. Но и купина она явившиася на горѣ Мовсею, *также убо и посреди и окрестъ пламень || обвивающе, зеленѣйши же и младѣйшу сохраниаше, палител'ному огю на влажное прелагающуся, что ино прописуаше, раз'вѣ Богоотроковицю сию? неопал'но бо пріять Божества огнь во естьствѣ тлѣн'номъ, и нетлѣн'но плоть тому отъ чистыхъ своихъ кровій замъстровахъ. И понеже бесмертію випов'на хотяше бывати, изути сапогъ ногу своею повелѣвшеся Пророкъ, *тако святу**********

194. г.

сущю мѣсту, на нем'же стояше. Что же во преславномъ ономъ превожденіи Черм'наго моря, егда Еурѣомъ убо бываше глубина сухъ путь гладокъ, Егип'тіон' же гробъ ненадеженъ и мокръ? Егда и тамо безъ прообразованіа бысть? Никакоже: раздѣляющуся презъ естьство морю и приемлюще люди, без'сѣмен'ное назнаменовааше Дѣвила зачатіе и паче слова рожденіе; и еже паки по естьству на пер'вый образъ устроеніе водѣ явствено показовааше дѣства сохраненіе. И многочестнаа она свѣдѣнія сѣнь, иже в сей сосуди тоя образи бяху: кивотъ, ск'рижали, стамна, кадил'ница, трапеза, свѣщникъ. Ни бо отъ иныхъ вещи сѣнь чинена бяше, но отъ кожа, божиско мертвенымъ благоволеше являя и соединеніе иже из нея по составу: ко||жа бо мертвости зна- 195. меніе есть, *тако останокъ умер'шаго животна. Ниже сосуди они во своемъ злати, но древяни отъ путръ, окованы же отвсюду златомъ, что показующу разумѣнію? Ничто же ино, развѣ Духа Святаго на Дѣву пантіемъ и осѣненіемъ силы Выш'няго, си рѣчь отвсюду обятіе, еже не зре́тися в ней нѣкоторой плотской тли, но во причастії божества в'се то быти. Мню же, *тако ни плоча златая, таже на чель священ'нику, на нейже божественое имя написано бяше, образнаго сказаніа не непричастна бяше. Также жезль Аароновъ сухій невлаж'но процвѣтый, что ино проявляшеся, ток'мо безъ сочетаніа неизречен'ное рожество? Пріидемъ отсюду на Гедеоново руно, еже на гумнѣ, пріемшее росу в невремя росы, и узримъ убо вселен'ную в'сю, руно же Марію, росу же Ем'мануила, прохладившаго естество съгорѣвшее Адамово. Отсюду приидемъ на Давида и Соломона, и узримъ тамо явствен'шная о ней прореченіа. Что убо рече Давыдъ: предста царица одесную тебе в ризахъ позлащенахъ одѣяна и преиспрещена? подобающу честь Матери воздающу Сыну во славѣ своей деснаго предстояніа; позлащен'ныи же ризы 195. 6 превѣс'ходящая всяку мысль божественныя славы дарованіа: достоаше бо таковаго**

\*.) Вм. «да заутра» должно быть «до заутра» єѡс прѡт.

царя бывшой матери спричастници быти славы сыновней и царьскими украшатися ризами чистоты. Также яко да не възмнить к'то чювьст'веннаго злата ризы и ви́ншнее ильное украшение, имиже одѣяна царица предстоить, наведе: вся слава д'щере цареве в'нутрь, рясны златыми одѣяна и преисп'реш'ена; не отъ чюждаа славы, рече, тоя красота, но в'ся внутрь, добродѣтелей всяческихъ видъ назнаменаа, также во пресвятой оной души зряхуся. Рясны же златыя пречистаго дѣства сияне; и понеже всѣмъ добродѣтелемъ глава дѣчество, рясны же главы красота бываетъ; главы же украшени сущей, прочи уди тѣла съукрашени бывають: в лѣпоту глав'ными рясны украси дщере цареву. И тамо убо в ризахъ позлащен'ихъ, здѣ же рясны златыми одѣвана и преиспещрена; отвсюду съ преумноженiemъ тоя славу являя: пестрота бо не отъ единого, но отъ многихъ видъ составленіе имать. Что же Соломонъ, яко бы в лице к ней глаголаль: многи д'щеря сотвориша силу, и по 195. в. гыя стяжав'ше богатство; ты же || преспѣ и превъзнесеся надо всѣми. Еже преспѣ, человѣческое естество прев'зыде; а еже во-знесеся надо всѣми, яко и вся Ангеломъ, рече, превъстече чины. Но и другой образъ пророчества премудрый сей являеть мужъ: премудрость, глаголя, создасебѣ храмъ. Отъ которыхъ каменій? отъ которыхъ древъ, ливановехъ и кедровыхъ? которыми хитростыми зицда? ил отъ которыхъ, развѣ отъ чистыя сяя отроковица. Но и свитокъ иному Пророку новъ вложися въ уста, еже снѣсти; иже убо свитокъ подаваше разумѣти; а еже на немъ слово, безлѣтное и превѣчное Слово. Пойдемъ проче на великогласного онаго Исаю, и видимъ того съ трепетомъ предстояща и ужасное оно видѣние зряща: на престолѣ высокѣй и превъзнесенї Господа сѣдяща, и Серафимы стояща окрестъ его, и не просто стоаща, но съ мнозѣмъ страхомъ и спрятаніемъ, отъ еже лица и ногы крилома закрывати и двѣма ток'мо лѣтати, и трисвятую волити пѣснь немольчными усты; и смотримъ, что сказование клеща, иже угль нося Серафимъ, и пришедъ ко-

снуся устнамъ пророчимъ, и рече: съ сей коснуся устнамъ твоимъ, и оставить грѣхи твоя и бѣзаконіа твоя оцистить. Что ино, 195. г. развѣ клеща сю являще? угль же, иже из нея восіавый свѣтъ, просвѣщающій всяко-го человѣка грядущаго в' миръ, иже грѣхи миру в'зять и поболѣ за безаконіа наша, реки к раслабленому: оставляютъ ся грѣси твои. Видишъ и Данила, мужа желанию, по премногу таковыхъ божественнымъ тай-намъ наученаго и царемъ видѣціа рѣща-го. Что наричеть неизрочшую сию Дѣву, внегда сказовати вавилонскому царю видѣ-ніе? гору ильную высоку, отъ неїже бес' прикосновенія руки мужескія камень отсъ-чеся, о нем' же камени учитель церковный вспомѣтъ Павель: камень же бѣ Христосъ, иже сокруши и истни образа онаго, иже на поли, злато и сребро и медъ и желѣзо и скудель, и възрасте и исполн'и вся земля. Сию пробразиша и царствія отроци в' пещи оной халдѣйской, огненнымъ объемлеми естествою отвсюду и своего естество ни-что же погубляюще, но власы главныя яко отъ росы мяг'кы и влажны имѧща. Елма убо Вавилоняне Христу в' вер'тепѣ рожде-ну преж'де иныхъ языкъ покланяяся хотяху, благоволи Богъ и тамо бес'сѣмен'но-му прообразитися рожест'ву. Но и Авва-кумъ сию зритъ || гору пресѣн'и и часту, 196 а. и облакъ легкій, на нем' же Богъ сѣдя, отъ юга грядяше. Присѣн'и убо ради осененія Святаго Духа, им' же осенена бысть, со-храняема непричаст'на человѣческихъ слас-тей; часту же, яко и цомыслы сам'мы непроходну; облакъ же, яко и всяко есте-ство небесныхъ и земныхъ превъзшедшю и достойну быв'шию ко пріятию Божест'ва: являет бо ся въ вет'хомъ Богъ во облaci, изо облака бесѣдовавъ ко святымъ; легок' же, яко не имущъ тяготы зем'ныя мокро-ты, но весь свѣтель же и бѣль и на высо-ту в'землемъ Духа Святаго зефиromъ. И да инаа убо оставлю, также о ней узрѣ чудный Езекѣиль; едино же въспомяну ток'мо, како сю дверь видѣ зрящую на востокъ: понеже бо Востокъ именуется Господь, по Исаи, солнце прав'дѣ, хотяще же намъ из нея во-свати сѣдящимъ во т'мъ и сѣни смерт'нѣй;

зрить сю к востоку уготовлену и ожидающю неприступ'наго свѣта входъ; затворена же стоить, понеже ни в'ходѣ его, ні исходѣ дѣственныя отвер'зопася двери; а та́ко Богу в'сѧ воз'мож'на, не невъз'можно тому ничто же, в'нде бес'плотень та́коже въс'хотѣ, и плотоносець пройде та́ко изволи. Враты, рече, сіа затворена будуть и не отвер'-

196. 6. зутся, и ник'тоже пройдетъ ск'возъ || та, и будуть затворена, понеже игуменъ сій сядеть съѣсти хлѣбъ.

Что есть еже съѣсти хлѣбъ? та́коже бо, рече, человѣкомъ желательнь есть хлѣбъ внегда алкати, иничто же ино тѣмъ в' то время пред'почтено быдается о еже ясти: сице и Богъ своего желаетъ создания спасеніе, егоже ради сядеть во Дѣвѣ, и плоть себѣ из нея соединяя по составу, и симъ образомъ свое желаніе о человѣчествѣ спасеніи исполняеть, та́коже и в Самаріи у студен'ца ко ученикомъ глаголаше, молящимъ его: равви и гаждь, мое брашно есть, рече, да творю волю пославшаго мя и совершио дѣло его. По пути еламъскихъ вратъ, рече, в'идеть, и по пути его изыдеть; а еже се глаголеть, се есть: по пути недовѣдомыхъ вратъ в'идеть, се бо являетъ еврейская рѣчь, и по пути его изыдеть. Сию многообразнѣ вси онѣ богодухновенніи пронарекоша Пророци; Иоакимъ же и Анна израисты онѣхъ пророченіе, на събитіе изводяще, лѣторасль во истин'ну прозябоста, не по мнози родити хотящую гроздь, иже кровію своею искупи человѣчество. О ней прорицаше патріархъ Иаковъ, ко Іудѣ глаголя, внег'да благословия сыны: отъ лѣторасли в'зыде сыну мой. Иоакимъ і Анна, праведная и богомудрая, супругъ богосоставленый, Июдини вноци и

196. 8. Давидови, || благородіа царскаго отроди, Мусейскихъ преданій тепліи хранители, Авраамови в'нуци и Христу Богу отцы. Не ктому да сѣтуютъ неплоды: печали бо еже отъ неплодства отытati рожшиася ради Маріа. И жены да не ктому поношаеми бываютъ, та́ко випов'ны преступленіа: поношение бо отытati явльшиася Богородица; и соглашаетъ ми слову блаженный Павель, глаголя: идеже умножися грѣхъ, преизобильствова благодать. Д'щеря іерусалимъски в'зыграйте

и во слѣдъ еа потечете; начните со Давидомъ в' тим'пани и лица исаломъское оно пѣніе, поюще: приведут'ся царю дѣвы во слѣдъ еа, и искреняя приведут'ся тебѣ; приведутся в' веселіе и радость, приведут'ся в церковь цареву. Се бо церкви царева, в' нюже великий видеть святитель, оцищеніе устраяа Израилево. И дѣвы воплещете: се бо происходить Дѣваа и мати царева. Отроковица веселитесь, Богоотроковицу срѣтающе; обыдете еа, ликъ составите о ней, и дѣственныя вѣн'ца исплетайте ей: та бо есть одръ Соломоновъ, егоже шестьдесятъ окружаху силніи, вси вооружени и мечи опоасаны; воз'высите гласъ, сию въс'хвалиюще: та бо есть хотящая васъ в' пор'фиру одѣти пленен'ми различными обнищав'шая; и не ктому л'сти бойтесь зміевъ: 196. г. уже бо подъ ноги дѣственнымъ телесемъ того подложи Маріа. Да приглашаетъ той Соломонъ ключимое пѣніе, еже о ней древле в' пѣснехъ въспѣть: вся еси добра, близ'няя моа; вся еси добра, и порока нѣсть в' тебѣ. Да чудится той со ужасомъ: кто сіа, глаголя, восходяща отъ Вефилы, та́ко стебель дыма еиміамнаго? Да скажуетъ доброту еа со удивленіемъ: что украсистеся ланити твои, та́ко гор'лицы? та́ко вер'въ очер'влена устны твоя. Но и Давидъ паки да припеваетъ, та́ко и своеа дщеря и Владычица, предпачинатель тор'жествомъ, гору Божію нарича ту, гору усырену, гору тучну, гору, юже благоволи Богъ жити же и вселитися в ней; и голубицу, крилъ посребренъ имущей, егоже во облещаніи зата междорамій: в'ведете еа посреди дѣвъ тим'панецъ, та́ко да пред'варять князи близъ поющихъ, та́ко да помолят'ся лицю еа богатіи люд'стіи, та́ко да рекутъ: святыль есть село свое вышній, Богъ посреди его, и не подвижится. Вопросимъ васъ Сионенки юныя, аще вѣсте, вопросимъ васъ: кто сіа явльшиася и отъ котораго рода? Вѣмы, рече, отъ пѣсней степен'ныхъ навык'ше: се слышахомъ ю въ Ефран'еъ, обретохомъ я в' полехъ дубравы; слышахомъ я, рече, человѣческаго роду сущю, съмене || Давидова, пророческаго и царьскаго, и отъ 197. Вифлиема града егова; и много ту поискаше, никакоже въ человѣщехъ обретохомъ;

но в' полехъ дубравы, рече, едва ту получи-  
хомъ, яко крины сияющю посреди двѣтовъ,  
отлучену оть человѣкъ и уединену цвѣтущю  
единому Богу, пространствомъ поля весе-  
шуся и сѣнью дубравою: не бо токмо со-  
противообразнѣ солнцю на полѣ обретохомъ  
ю, рече, но на полихъ дубравы, еже неувя-  
даему сохраняется красота цвѣту осѣнені-  
емъ дебренымъ; и понеже постигнути ту не  
възмогохомъ, въ слѣдъ юханіа мира ea по-  
текохомъ: яко уязвена любовию она; отъ  
таковаго убо роду и отечества слышахомъ  
я, въ церкви же обретохомъ ю воспитану;  
поле бо сіа яко пажитемъ различнымъ рас-  
пространеномъ в ней, законінымъ и пророч-  
ескимъ книгамъ; дубрава же, осѣняющіа  
святилище, благодать. Не кому на реце вав-  
илонастѣй да обещаются органи, молчанию  
осуждаеми, плачущими людемъ и Сиона по-  
минающимъ; но да напрязаются, и пѣсни с  
веселіемъ да поются новыя, их' же намъ из-  
далеча Давидъ повелѣваше пѣти: воспойте,  
Господеви пѣснь нову, воспойте Господеви  
вся земля; уже бо достоится оть неяже ро-

197. 6. дитися хотяше и возвра[щати] плененіе наше  
великое. И не кому новый Израиль вави-  
лонъскаго да боится преселеніа: по малѣ бо  
времени онѣхъ царе дары принесутъ царю  
нашему, яко той чаяніе газыкомъ, и на ны  
газыци уповаютъ: яко тому подобаетъ всяка  
слава, честь и покланяніе со беззначільнымъ  
его Отцемъ и Пресвятымъ, благымъ и жи-  
вотворящимъ Духомъ, нынѣ и присно и в  
вѣки вѣкомъ. Аминь.

198. а. || В ТЪ ЖЕ ДЕНЬ иже въ свя-  
тыхъ отца нашего Иоанна Злато-  
устаго, архіепископа Константина  
града, слово похвально на Рожде-  
ство пресвятыя Богородица и прис-  
нодѣвица Маріа. \*)

**В** сякъ человѣкъ хотай похвалити что,  
иному добрѣйшему прилагаа хва-  
лити: сладкое убо сладчайшимъ,  
мяк'ко мяк'чайшимъ, скорое же скорѣйшимъ,  
красное же краснѣйшимъ, или высокое то вы-  
сочайшимъ, ибо славное то славнѣйшимъ\*\*);

сладкое убо славящи, то медъ, или са-  
хару, или ман'и прилагаютъ, тѣхъ бо  
сладчайше не знаемъ. Тебе же, Госпоже  
моя святая Богородице, азъ недостойный  
хотя похвалити, не вѣмъ чemu приложити  
въ твари си: твоя бо сладость меду суть  
сладчайши; твоя помошь всякыя птища  
скорѣйши; и кто добрѣ тя помолить всѣмъ  
сердцемъ, ты же большими помогаеши. Чье  
бо сердце въ твари сей мяг'че твоего серд-  
ца обрящется, на всякую молитву прекла-  
няющиша? кая ли красота краснѣйши твоєя  
красоты? Давидъ бо святый испрѣва зря ду-  
ховными очима, о тебѣ възвѣсти, пресвятаа  
Дѣво, рече: вся слава дщери царевѣ внутрь  
юду, рясны златыми одѣяна и преукрашена;  
не бо ты еси изъвну украшена багромъ и  
златомъ и бисеромъ, но имаши боголѣп'ныя  
красоты в себѣ; да тѣмъ тебѣ рече изънутрь  
всѧ доброты в себѣ имѣаше, рекше чисто-  
ты, правды, угоженіа || всяка Богу. Чья ли 198. 6.  
высость твоєя высости вышши? не тѣломъ  
мню, аще и тѣломъ всякого человѣческаго  
образа добрѣйши и краснѣйши обрѣтеся; но  
честію, реку, и славою: честнѣйши бо еси  
святыхъ Ангель и славнѣйши святыхъ Ар-  
хангель. Въ пяти тысячи лѣтъ и в' пяти  
сотъ оть Адама ни единоаже възлюби тол'-  
ма въ нихъ, якоже родитися оть нея; но  
тебе въ всѣмъ родѣ избра, якоже и Про-  
рорки свѣдѣтельствуютъ, отъ лица Спасова  
рекый: здѣ вселюся, юже избрахъ; тебе  
възлюби: ты бо еси доброта Іаковля, юже  
възлюби; твоєя бо доброты възделѣцарь и  
Господь; ты добрѣйши еси всѣхъ человѣкъ;  
ты честнѣйши еси всѣхъ святыхъ мужій;  
ты вышши, Богородице, и славнѣйши свя-  
тыхъ Ангель и небесныхъ силъ; ты Пророкъ  
аки медъ на газыщѣ: тебе бо меня-  
щимъ уста ся услаждаху тѣмъ сладостію;  
овъ бо тя киотъ святымъ наричеть; а дру-  
гый гору несѣкому, оть неяже усѣчеся  
Христось Богъ нашъ и испльни всю землю;  
другий же дверь свѣтлую, имиже изыде  
солнце праведное всей твари; другой же  
нарече, Исаїа бо великий нарече тя жезль,

\*) Въ С. этого похвального слова нѣть.

\*\*) Въ Ц. слова: «ибо славное, то славнѣйшимъ» приписаны на верху страницы.

прозябшій отъ корене Іоаківа. Сице бо пишеть Іаковъ, в' повѣсти своей, рекый: бѣше Іоакимъ богатъ зѣло, и укаремъ ужиками, имъже дѣтища не имѣаше; и сжаливъ 198. в. си зѣло, постися 40 дній и 40 || нощій; та же Ан'на, жена его, постяся. Послушавъ же Богъ молитвъ ея, посла къ Ан'нѣ Ангела своего, въ оградѣ своемъ сѣдящи ей и подъ финичною плачущи. И рече къ ней Ангель: Ан'на! послуша Господь Богъ молитвы твоя; пріати бо имаши и родити дѣтищъ, и просіати имать плодъ твой по всей земли. Рече Ан'на: живъ Господь Богъ мой! аще рожу азъ мужескъ полъ или женескъ, то принесу дары Господеви Богу моему, и будеть служай вся дни живота своего. Пріиде же Іоакымъ отъ горы въ домъ свой; и тому бо тамо явися Ангель Господень, рекъ: услыша Богъ молитву твою; снidi отсюду: родити бо имать Ан'на отрока. Пріиде же Іоакымъ, и Богу даръ принесе іеромъ и людемъ; и почи въ своемъ дому, и радовавшися съ Ан'ною; и потомъ заченыши и родиста отроковицу. И рече Ан'на: възвеличися душа моя въ сій день. Въ третіе же лѣто рече Іоакымъ: съзовемъ отроковица чисты, и свѣща вжегше несемь отроковицу въ церковь Господню. И сътвориста тако, и внесоста ю въ церковь Господню; и благослови ю иерей, и рече: възвеличить Господь имя твое въ всѣхъ родѣхъ. И бѣ ту 12 лѣть, служащи Богу въ церкви, питаема Ангеломъ. О блаженная супруга, Іоакиме и Ан'на! вами бо приведеся даръ Творцу и Богу, даръ 198. г. бес приклада всѣхъ даръ || изряд'нѣй, матерь пресвятую, сию едину въ всемъ мирѣ достойно Творца всея твари. О честная утроба Ан'нина, та же роди пречистую Госпожу, утроба святая, простран'нѣйши небесъ! ему же въ руку небеса и земля, тый родися отъ сея чистыя утробы. О свѣтлый дню славный, въ ньже родися намъ радость, печаль раз'ганяющи! Тѣмъ же радуемся, Бога славящи, припадающе к нему, дав'шаго намъ такову заступницу. Радуемся, братіе: днесъ бо велика свобода просіа; преслушаніемъ бо праматери нашей Ев'вы вси бѣхомъ поработиши противному съпостату. Днесъ, друзья, да възвеселимся, славяще рожьшуюся: кто

бо видя сицево чудо, испрѣва отъ начяла всїя твари? жена се ражаетъ, та же посемъ скоро и Творца Бога имать родити, и будеть мати своему Творцу и Богови. Чудо превеликое! како можетъ брен'ное тѣло огнь въ себѣ носити божественный; егоже небеса вся не могутъ вмѣстити, то како имать въ малѣ утробѣ неописан'ное и бесприкладное величествомъ въ себѣ удѣжати, не домышляюся. Аще по человѣческу чину помышляю, умъ ми исчезаа въ мнѣ: дивлюся бо, како пламень съхранить плоть безъ вреда; чужуся, како огнь въ сѣнѣ 9 мѣсяцъ пребываетъ не опаля. || Колыми еси възлюблена Богомъ си Дѣва пречистаа, и чрезъ естество все творится о ней: образомъ бо повелѣль есть быти дивно, и прежде тый творити въ послѣдняя лѣта; да аще кто и въ невѣрствie в'падеть, мня немощ'но быти сему по чину человѣческу чрезъ естество, то почитавъ си писанія святая, а утвѣди си та же на камени умъ на вѣру. Кто бо не укрѣпить си умъ на вѣру тврьду, слышавъ куپину горящу при Моисеи на горѣ, еже сътвори образъ предобрыя сеа Дѣвы? И пакы, море на двое раздѣлися палицею, и людіе преидоша по суху, и ногъ не омочиша: та же и Гаврілу благовѣстившу, Дѣва сіа Сынъ роди. И пакы, по прешествiю морстѣмъ бысть море, та же и прежде, водно безъ прехода: сице и пречистая Дѣва Сынъ роди дѣвою, и родивши пакы дѣвою пребысть, та же и прежде; и руно Гедеоново, на неже снide роса и дождь безъ шука; и жезль Аароновъ въ часъ прозябай; и Даниилъ камень усъчеся безъ рукъ отъ горы; и дверь Езекіилеви, имиже великій Свѧть исхождаше. Ины многи образы изъображетъ кто о преславнѣй Дѣвѣ? О чудо, всѣхъ чудесъ пречюднѣйши! Женскій убо полъ превыше Серафимъ бысть; та же Богъ явися малымъ чимъ отъ Ангелъ умалень. Ничтоже ново подъ солнцемъ. О Дѣво благодатыя, церкви Божія святая. та же || духовный Соломонъ мираначальныи съдѣлавъ, не златомъ, ниже каменiemъ бездушнымъ украшена, но въ злата мѣстѣ сіающи духомъ; вмѣсто же каменей честныхъ имъя многоцѣн'аго бисера Христа, углы Божественаго, егоже коснутися и на-

шимъ устнамъ умолимъ, та́ко да освящени  
того съ Отцемъ и Духомъ въспоимъ, взы-  
вающе: Святы, Святы, Святы Господь Са-  
вао́ть, едино естество Божества въ трехъ  
съставехъ! Святы Богъ Отецъ, благоволи-  
вый отъ тебе и отъ тебе съвръшитися еже  
пронарече превѣчное таинство. Святый  
крѣпкий, Сынъ Божій, Богъ единородный,  
и тебе единородну произведе отъ неплодныя  
матере днесъ, та́ко да единороденъ сый отъ  
Отца и прѣвѣнецъ всей твари, едінъ родися  
отъ тебе Дѣви Матере, пръвороденъ въ  
мнозѣ братіи, подобенъ намъ, отъ тебе при-  
чаша́щая плоти и крови, но не отъ единого  
Отца или единыя Матере произыде, да еди-  
нородно единому съхранится еже въ всемъ  
единое: тъй бо едінъ отъ единого Отца еди-  
нороденъ, и единъ отъ единыя Матере. Святы  
бесмертный, Пресвятый Духъ, иже росою  
своего божества и божественаго огня съхра-  
нивъ тебе невредну, каменю честный несум-  
нѣй, презрѣнія свободній, обычаю слад-  
кий съ кротостю смѣшенъ: и свѣдѣтель

<sup>199. в.</sup> страхъ случивыйся необычного || Ангела про-  
свѣщаемъ; родителемъ покорна и послуш-  
лива, мудрованіемъ смиrena въ видѣніихъ  
высокихъ, слово кротко отъ несмутныя  
душа произносимо. И что много глаголю,  
развѣ Божіе пріателище: тебе достойно вси  
роди блажать, та́ко избранную славу человѣчества;  
ты священникомъ похвала, царемъ  
утвѣрженіе, христіаномъ надежда,  
дѣвства плодоносный садъ: тебе бо ради  
доброта дѣвства прострется. Благословена  
ты въ женахъ, и благословенъ плодъ чрева  
твоего! исповѣдающе тебе Богородицу благо-  
словеніи, а отмѣтающе прокляти! О  
священнаа двоице, Іоакыме и Ан'на! пріимета  
отъ мене слово се о рождествѣ. О дѣщи  
Іоакима и Ан'ны, Владычице! пріими слово  
раба грѣшнаго тажде отъ ражженія желав-  
ющаго и вѣрующаго, тебе едину стяжав-  
шаго радость и надежду, житю представ-  
тел'нику и къ твоему Сыну премѣнительнику,  
и спасенія обрученіе крѣпкое, и грѣховному  
бремени расточеніе, и утѣшеніе искуше-  
ніемъ, и окрѣмленіе подобающе житю; и къ

гор'нему руководству Божеству, мирови да-  
руй умирение, съвръшеное веселіе и спасе-  
ніе вѣчное о Христѣ Іисусѣ о Господѣ на-  
шемъ, ему же слава съ Отцемъ и Святымъ  
Духомъ, нынѣ и присно.

### Слово на Рождество пресвятыя Богородица и приснодѣвы Mariя.\*)

|| **В**ъ рожденія празднику взыдемъ днесъ, 199. г.  
любленици, Ан'нѣ малы аки чрѣтокъ-  
ній въспоимъ гласъ. Нынѣ убо раж-  
дающъ дѣтица Богомъ дан'ный обѣщанія  
залогъ; нынѣ же родную молитву по не-  
плодствѣ приществія умного явленія Божія  
къ человѣкомъ полату, достойно бо таку  
рождышую отрасль сице хвалити, и боже-  
ственныя по истинѣ радости сподобльшуся  
вѣсти: предстоитъ убо та́ко нѣкій невѣстникъ  
Ан'нини легальницы, дѣтотворія и дѣвства  
назнаменуя лице: ово рождыша, ово рож-  
ден'наа, еже овь Ан'нѣ прія разрѣшеніе без-  
дѣльству, ова же малы посемъ по нашему  
Іизраилева богодан'на рожденія выше есте-  
ства пойметъ. Въ лѣпоту убо божественнаа  
Ан'на веселіемъ и радостнымъ душевнымъ  
строеніемъ свѣтлѣ въпіаше: порадуйте ми  
ся, глаголюще, отрасль обѣщанія отъ не-  
плодны рождыши утробы, и плодъ божествен-  
ныя молитвы ради кръмѧщи съсомъ, съвле-  
кохомся скрьби неправедныя и въ добро-  
дѣльствѣ свѣтлое облекохомся прикровеніа.  
Да радуется съ мною словущаа Ан'на, иже  
Фенанѣ съпротивна, и еже о тѣй покааніемъ,  
еже о мнѣ преславно прилагаетъ чудо. Да  
ликуетъ Сар'ра, старчески възигравающи и  
мое написывающи по неплодствѣ рожденіе.  
|| Да възглашаютъ неплодови купнѣ раж-  
дающаа о мнѣ удивленому съ небеси при-  
сѣщенію. Да рекуть убо вси мати ражаю-  
ща: благословенъ Господь, дая молитву мол-  
ящемуся и разврѣзый пути не ражающей  
утробѣ, отрасль отъ неплодна чрева давъ  
пречудную того по плоти матерь, и егаже  
утроба небо, идѣже вселися нигдѣже вмѣ-  
стившися! Съ сими и мы съи ~~и~~рицаемъ  
неплодови нѣкогда, нынѣ же матери бывшей  
дѣвицы, обѣту добру хвалу принесъмъ; рѣмъ

\*.) Въ С. этого слова нѣть.

с пъніемъ к ней, также благословенъ домъ Давидовъ, отъ негоже изыде, и утроба, въ нейже ков'чегъ священія Богъ съдѣя рожьшую безъ сѣмене: по истинѣ ты блажен'ная, также богоблажен'ную Дѣву носившую Марію, и исходъ пречистъ, и роженіе красно. Радуимся с тобою, о препѣтая! надежду бо всѣхъ наась богатну обѣтное роди рожденіе. Блажена еси по истинѣ, блаженъ плодъ утробы твоєя! блажатся тобою и жены, отлагающи неплодство и бывша по неплодствѣ раждающи. Ізыкъ же вѣрныхъ величитъ отрасль, и слово всяко добровелич'но хвалить ти рожденіе: достойно бо по истинѣ и вельми предостойно хвалити сподобльшуюся божественаго и радос'тиаго вѣщанія, и сиць и толикъ намъ рожьши плодъ, отъ негоже слад'ки Иисусъ изыде, весь сладость 200. 6. и по мышлени и всего любнаго връхов'наа любы, егоже рѣхомъ, подъ стѣнемъ его живемъ и подъ крылома его препочиваемъ; сый есть по истинѣ иже закономъ и Пророкы проповѣдуемый Христосъ Богъ, благодать и истина, иже прииде грѣшныя спасти и възвратити на пръвое добродіе: тако тому слава, нынѣ и присно и въ вѣкы вѣкомъ. Аминъ.

201. a. || ПРОЛОГЪ. МѢСЯЦА ТОГО ЖЕ ВЪ 8 ДЕНЬ Рождество пресвятая, Владычица нашея Богородица и приснодѣвица Марія.

Стихъ: Всѣмъ по истинѣ Анно одолѣла еси мучителемъ, донелѣже мати тебѣ будеть д'ши. Изведе ко свѣту Богоматерь Анна. 8.

**Е**яже отець Іоакимъ отъ царскаго племене бѣяще родомъ, и тѣй сугубы дары Богу приношаще, тако благолюбезенъ и богатъ, но бещадіа ради поношаємъ бѣаше, о том' же сжалиси сердце и в гору в'шедь. И супружница же его в саду вер'тограда съ слезами моляще Бога, иже подастъ има плодъ чрев'ный святыи

пресвятую Владычицу нашу Богородицу. Да и Аннино съ обою полу рода видимъ познаніе, испытно имамъ повѣдати. Три отъ рода Давидова и Соломонова обрѣтается: Матеанъ, иже поять Марію отъ Гудова племени, и роди Іакова, Иосифова отца древодѣля, и дщере три: Марію, Совію и Анну; Марія же роди Саломію бабу, Совіи же роди Елисавею, Ан'на же роди Богородицу, яко быти Богородици в'нукъ Мат'еану и Маріи женъ его, Елисавети же и Саломіи анепсе, Аннѣ братучиа же Богородици.

**В ТѢЙ ЖЕ ДЕНЬ** святый мученикъ Севиръ мечемъ скон'чася.

Стихъ: Готовъ есмъ въ в'сякой ранѣ и страсти, Севиръ рече; что же ко мнѣ и мечь?

**В' ТОЙ ЖЕ ДЕНЬ** святый мученикъ Алфемидоръ || огнемъ скон'чася. 201. 6.

Стихъ: Ал'фемидоръ прохлажатися можетъ, и огню палящу дѣло тавляетъ.

**В ТОЙ ЖЕ ДЕНЬ**, поученіе на Рождество пресвятага Богородица.

**П**риспѣ время, братіе, спасенію нашему: се бо восіа намъ во тм'ѣ грѣхов'нѣй сѣдящимъ селеніе мысленаго солнца и проч. См. выше, стлб. 350. \*)

**В' ТОЙ ЖЕ ДЕНЬ**, слово о Мури- 201. г. нѣ дрѣвостѣч'цѣ

**Б**ѣ нѣког'да въ Купрестѣй странѣ без'дожд'ие много, и моли Бога о семъ страны тоя епископъ и проч. См. выше, стлб. 349. \*\*)

|| МѢСЯЦА СЕП'ТЕВРІА ВЪ 9 202. a. ДЕНЬ святыхъ праведныхъ Богородица Іоакима и Анны. Благослови отче!

\*) Отличія этого поученія отъ напечатанного выше — слѣдующія: вм. «вѣсіа» здѣсь «восіа». Вм. «адовы» — «адовныя». Вм. «лѣсть» — «прелестъ». Вм. «совѣтъ» — «сѣвѣтъ». Вм. «безстудными» — «студ'ными». Вм. «приѧть» — «спріѧль». Вм. «понесе» — «подъѣтъ». Вм. «не сотвор'ши симъ» — «не сотвор'ши симъ». Въ концѣ пѣти словъ: «о Христѣ Иисусѣ» и проч.

\*\*) Отличія этого слова отъ напечатанного выше — слѣдующія: вм. «гласъ с небесе, глаголя» здѣсь «гласъ с небесъ». Вм. «помолися» — «и помолися». Вм. «моли» — «помоли». Вм. «поревнуемъ» — «порев'нуимъ». Вм. «ѣмъ, и иного же» — «їамъ, и иного». Вм. «въ церкве» — «въ церкви». Вм. «зимно» — «зима». Вм. «дон'деже паки» — «дон'деже».